



C40
4514
(193)



C40-4614



B. 64853

中
國
圖
書

天隱和尚語錄序

予不會佛法讀磬山語而歎石磬音嘹亮聾人耳更聞斯言不我欺也獨步大方風颯颯地盡大地人亡
鋒結舌如鳩鳥落水魚鱉皆死是吾師正令頂門放光照四天下如衣穿瘦骨露屋破看星眠覺他人見煙知火猶隔一山在是吾師金剛眼推倒慈氏樓拆却空王殿如向黑暗獄中敲枷打鎖餓鬼隊裏放火奪漿又如引人向萬丈懸崖一推命斷是吾師白拈手大用現前不存軌則拈頭作尾指實爲虛有時點鐵成金有時點金成鐵如臨敵布陳改旗變勢分合

無窮是吾師殺活劔有時海底生塵須彌鼓浪夜半
日頭出日午打三更有時冬卽言寒夏卽言熱上來
道箇不審下去道箇珍重觀根逗機如袖頭打領腋
下剝襟是吾師相體裁有時如無孔笛氈拍板敲嚼
不破是吾師鐵牛機有時如桃花浪裏七里灘頭拋
綸擲餌是吾師鈎頭意有時如九烏射盡三足猶存
一箭墮地天下暗黑換骨洗腸重整頓通身是眼更
須參是吾師竿頭步有時坐斷舌頭直得無出氣處
說詩呈劔退三千里寧自碎身如微塵不敢瞎却一
僧眼是吾師生鐵牢關或疑今之談禪者幟赤白分
分

請問磬山與諸方有何分別昔漢武帝以兵法教霍
去病去病曰不在學古顧方略何如唐明皇示韓幹
以御府圖幹曰不願觀也去病胸中有活法韓幹胸
中有活馬磬山胸中有活玄要猛虎口邊拾得毒蛇
頭上安排爲一切抱椿搖艤人抽釘拔楔是吾師別
有生涯昔鄭玄居家考索便從著述起念孔明身比
管樂便從勲業起念叔子峴山墮淚便從名稱起念
儀秦力攻揣摩便從勢利起念今諸方簇錦攢花搭
東瓜印便從熒闌門庭起念讀師語一過如脫衣卸
甲素面相呈摩胸示人不遮不覆是吾師直心道場

昔包敏道勸象山與晦翁各自著書以待天下後世之自擇象山正色厲聲曰且道天地間有箇朱元晦陸子靜便添得些子無了後便減得些子今諸方無明熾盛人我崢嶸如獮龍變水畱一涔滴變爲八萬四千繇旬海磬山空谷音非爲好辨如逢磨大師歎六宗之陷牛跡我若不除永纏邪見又如世尊折伏外道使知義墮寧於有智人前斬首不於無智人前得勝是吾師老婆心切獨是吾師鼻孔未易摸索請以俟出格英靈之善讀師語者

崇禎癸酉八月江上弟子黃毓祺和南識

天隱和尚語錄總目

卷之一

湖州上栢山報恩禪院語錄

卷之二

湖州烏瞻山法濟禪院語錄

卷之三

荆谿磬山語錄之一

卷之四

荆谿磬山語錄之二

卷之五

荆谿磬山語錄之三

卷之六

拈古

卷之七

舉古

卷之八

徵古

卷之九

頌古

卷之十

機緣

卷之十一

普說

復問

卷之十二

書

法語

卷之十三

法語

偈頌

卷之十四

歌

詩

卷之十五

襍著 讚 佛事 行由

林間或問 另刻行世

卷之十四

論證

卷之十三

卷之十二

卷之十一

費問

天隱和尚語錄總目 終

天隱和尚語錄卷一

嗣法門人通問等編

湖州府上柏山報恩禪院語錄

師於崇禎七年八月二十二日入院以拄杖指三門
云從這裏入皇恩佛恩一齊報答且道最初一句作
麼生道彈指頓開華藏界剎那都向箇中來便入
佛殿師云古寺重興慈風再扇有頭有尾無背無面
既然有頭有尾爲甚麼無背無面擲拄杖云天上人
間無處不現大展具禮拜

方丈師拈拄杖云據此室行此令不入虎穴焉得虎

子從他牙如劔樹口似血盆到這裏也須喫棒爲甚麼如此不曾得祖印難過此關頭便起

上堂師至法座前云最初一步踏着須向千峯頂上提持且道是甚麼人行履處高着眼遂陞座拈香云此一瓣香天不能蓋地不能載靈根透於劫外秀葉覆於閣浮藪向爐中端爲今上皇帝聖躬萬歲萬歲萬歲次一瓣香遇貴則價滿婆婆遇賤則半文不值奉爲滿朝文武閩郡公勲主請邑侯本山檀越現前居士衆等同乘般若之慈航共證金剛之種智又一瓣香慇勤古木林間埋沒白雲堆裏向無所得

中得來在有修證處不證今日對衆拈出供養荆溪龍池山禹門禪院本師大和尚幻有老人以酬法乳歛衣就座維邢白槌云法筵龍象衆當觀第一義師云若論第一義老僧未到此間已與諸人抑揚了也而今重新再舉不覺落二落三去也還有出格英靈對衆通相酬唱者麼僧問把斷要津不通凡聖正恁麼時請和尚道師直視云見麼進云一句曲含千古韻萬重雲障月來初師云且站過一邊進云謝師答話師云杓卜聽虛聲問大開爐鞴煅聖鎔凡忽遇無背面漢來如何煅煉師云你從邢裏來僧呈坐具師

云却有背面了也進云和尚又恁麼去師便喝問最初一句則不問未審踏着箇甚麼師云半夜裏偷爪問祖印全提十方坐斷報恩一句作麼生道師云我已道過了也進云如何是報恩境師云梯子嶺頭雲翼翼金車山下水潺潺進云如何是境中人師以拂子左右拂進云如何是人中意師放下拂子良久進云還有向上事也無師云有則有未可與你道在僧禮拜云報恩一句重拈出鐵眼銅睛不可窺師云多枝多葉乃云當陽顯露人人鼻孔遼天直截根源箇箇脚跟點地逢磨西來徒爲往返之勞神光斷臂枉

受辛勤之苦所以道言前薦得屈辱宗風句後承當埋沒家寶恁麼則世尊說法四十九年未後拈花道吾有正法眼藏涅槃妙心付囑飲光廣令傳化勿使斷絕且道傳箇什麼來這裏會得何須長期短期消磨歲月如未悉老僧畫蛇添足與你諸人通箇消息蓦豎拂云還見麼若是不見除却你生來眼以拂擊案云還聞麼若道不聞除却你生來耳旣見旣聞又聞箇什麼見又見箇什麼老僧說到這裏話頭也忘却了且道報恩一句又如何左右顧視云全憑一點無私力報答四恩咸有餘維那云諦觀法王法

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

撰述

方廣利傳記卷二

法王法如是下座

師在荆溪磬山受請陞座辭衆拈拄杖云一十五年成小構謝諸檀信護持心別行一路暫時去汝等堅修守寂岑日視雲霄已有年酬恩報德不相關而今帶水拖泥也杖笠迎風過遠山還有同起同倒者麼出衆相見僧問法性如如無去來從來普遍周沙界卽今和尚去耶非去耶師豎起拄杖云你還識得這箇麼進云祖禰不了殃及兒孫師便打良久云雲本無心出岫乘風縹渺於長空往來無礙月非有意臨溪趁水光含於四海映徹何窮住也則心包太虛無

欠無餘行也則道不虛應有來有去到這裏事絕理絕超古超今去亦得來亦得行亦得住亦得驕卓拄杖一下云都盧收在拄杖頭上優游自在放曠逍遙喝一喝云既然如是出門一句作麼生道木人執板林間拍石女含笙嶺外吹

到德清縣開封寺鳴鄒蔡封翁請上堂師云迷封曠劫開悟剎那不涉迷悟關頭別通消息試道一句看良久云至道無難惟嫌揀擇但莫憎愛洞然明白以拂子指上云上是天復指下云下是地高是山淵是水男是男女是女僧是僧俗是俗老是老少是少如

何道得不揀擇底句驀擲下拂子云撲落非他物縱橫不是塵便下座

示衆師云老僧今住箇破院子多病不能爲汝等提持佛法兩字賴土木瓦石爲諸人轉大法輪發諸人大機大用切不得當面蹉過若蹉過只知事逐眼前過不覺老從頭上來

師誕日示衆幻住人間六十春相逢未遇幾知音虛懷祖印全提旨遙望賢裔造詣深幾度白雲空聚影多番黃鳥亂啼聲報恩今日重拈出也道當生卽不生

冬至示衆師云夜來一片霜天冷從此陽生日日長箇裏不知誰着力森羅萬象盡敷揚大衆且道敷揚箇什麼事若會得道將一句來看如未會得按下雲頭叅究一回始得珍重

示衆舉圓悟禪師上堂云有句無句超宗越格如燃倚樹銀山鐵壁及至樹倒藤枯多少人失却鼻孔直饒收拾得來已是千里萬里只如未有與麼消息時還透得麼風煖鳥聲碎日高花影重師云且喜佛果老人恁麼舉揚真所謂萬世標榜不唯見得古人徹頭徹尾親切處以破時人支離穿鑿之窠窟也何故

今時有一等漢魔昧人家男女膠柱鼓瑟定要入他圈縵道作麼生是有句作麼生是無句作麼生是如藤倚樹作麼生是樹倒藤枯逐句須要義解合他杜撰稍有不合處便道你只會得箇有句未會得箇無句若到樹倒藤枯句歸何處猶隔遠在諸人還知古人建立法要處麼如未知當自看佛果老人言語一究明方不隨羣逐隊雖然若具箇金剛正眼莫道看破他邪根種子這些圈縵連老僧這些說話揚在一邊圓悟老人這些說話亦揚在一邊將古人恁麼葛藤亦拋向那邊更那邊自家自有出身之路一段

本地風光蓋天蓋地豈肯把虛空分長分短分古分今耶到這裏還知落處麼良久云數聲清磬是非外一箇閒人天地間

示衆師云剛纔結制俄爾半月矣諸人曾將半月內簡點於未結制前是同是別底消息否老僧每欲入堂逼拶諸人做工夫且思之此事按牛頭喫不得草記得先師幻有老人云真學道人要人逼拶做工夫是不濟事矣果爾是按牛頭喫不得草若是生死心切教他放亦放不下我這裏堂中也有久參底也有一知半解底也有纔入門底也有懵然無知底各各

撰述

元和利誥

九

簡點做自己本分工夫始得昨夜執事等勉老僧與大衆說法冷地裏仔細思量有什麼法可說良久蓦出座顧視左右云誰是欠少底那便下座

檀越請小參師拈香云這一瓣香從祈遠唐居士信心中流出爇向爐中祝延慈父當朝大堂存憶大檀越壽免山僧舉揚般若衆中還有知恩報德衲子出衆相見麼僧問如何是奪人不奪境師云脚下踏黃泥進云如何是奪境不奪人師云頭頂破屋漏進云如何是人境兩俱奪師云老僧這裏也無說法者亦無聽法者進云如何是人境俱不奪師便喝乃云薦

劄相逢便舉揚拈來無事不相當至誠一念超情念敢保無虞日月長天地覆育父母生成人所共恩誰能報答直須看到父母未生已前親見一回到這裏無恩不報無德不酬居士還委悉麼不見當時陸百大夫叅南泉云肇法師道天地同根萬物一體也甚奇恠泉指庭前牡丹云大夫時人見此一株花如夢相似當時南泉大師雖具驅耕夫牛奪饑人食底手段未能令大夫慶快去今日居士若問山僧天地同根萬物一體蓦豎起拂子云都盧在這裏放下拂子左右顧視云者裏若還親見得酬恩報德在其間

示衆師云今朝臘月一事事應當急箇裏若茫然看
 孔須着楔莫待三十夜手脚做不及諸人還覺毛寒
 骨豎麼切忌卜度便下座
 臘八日上堂師云此一瓣香從雙徑諸德賣來要老
 僧拈向爐中熏我釋迦老子鼻孔爲天下衲僧出氣
 還有不甘者麼僧問世尊觀星悟道今人見星爲何
 不悟未審過在甚麼處師云祇爲不見進云爭奈庭
 前梅樹已芳春師云你還聞麼僧便喝師云再喝看
 進云恁麼則禮拜去也師云且放過你問上無佛道
 可成下無衆生可度世尊於此日成道堪作什麼師
 云切忌眼花僧擬議師便喝問如來具五眼覩明星
 是那一眼師云你這一問是那一眼僧便喝師云喝
 卽不無未具眼在僧復喝師云一喝兩喝後如何進
 云和尚請尊重師云閻黎不得造次乃拈拄杖云禪
 非解會道絕功勲妙體湛然真機獨露不可以心思
 不可以意想不可以言宣不可以默照不可以色見
 不可以聲求但一念回光便同本有恁麼則釋迦老
 子覩明星時見箇什麼來者裏透得頓越三祇坐斷
 報化佛頭隨時著衣喫飯還有向上一路卽今釋迦
 老子在什麼處喫在諸人眼睫毛上放光動地只是

不得動著動著則三十拄杖何故不見道丈夫自有衝天志不向如來行處行卓拄杖下座

示衆舉張無垢居士參楚明禪師問入道之要明日此事唯念念不捨久久純熟時節到來自然證入復舉趙州柏樹子話令時時提撕士久之無省謁善權禪師問此事人人有分箇箇圓成是否善曰然士曰爲甚麼某無箇入處善於袖中出數珠示之曰此是誰底士俛仰無對善復袖之曰是汝底則拈取去纔涉思惟卽不是汝底士悚然未幾畱蘇氏館一夕如廁以柏樹子詰究之聞蛙鳴釋然契入有偈曰春天

月夜一聲蛙撞破乾坤共一家正恁麼時誰會得嶺頭腳痛有玄沙師云古人爲道決不敢造次須是真參實悟方自信自入後來復見諸大老參證至徑山與馮給事諸公議格物慧曰公祇知有格物而不知有物格士茫然慧大笑士曰師能開諭乎慧曰不見小說載唐人有與安祿山謀叛者其人先爲閻守有畫像在焉明皇幸蜀見之怒令侍臣以劒擊其像首時閻守居陝西首忽墮地士聞頓領深旨題不動軒壁曰子韶格物妙喜物格欲識一貫兩箇五伯慧始印可你看無垢旣悟得乾坤共一家因甚到者裏自

家茶飯又喫不下且道利害在什麼處這裏若會得
許你們叅得祖師禪若未會得切不可將之乎者也
以當平生自欺欺人安知先覺不可欺者況先輩大
儒已操戈入室不肯甘自埋沒今之衲子一百箇倒
有九十九箇略得些光景便斷送一生矣可惜光陰
易過歲不永留汝等珍重

示衆師云今朝臘月十五夜半撻鐘擂鼓觀音入理
之門到此休教妄鹵不妄鹵五九四十五五九四十
五窮漢街頭舞不要舞春寒途中猶更苦顧視左右
且道坐家堂底又作麼生喝一喝云休瞌睡下座

立春日示衆援破泥牛徧界春一回消息一回新江
山不改舊時色指點諸人賞寂音

除夕小叅師云爆竹聲聲歷亂來煙雲陣陣過蒼苔
老人兀坐山牕下閒看梅花笑滿腮還有道出常情
者麼良久云天無蓋地無載萬象森羅無在不在春
夏秋冬祇恁過於中不知誰主宰燈籠露柱最相親
佛殿山門咸頂戴東村喫酒西村醉笑倒張家王小
妹且道笑箇甚麼一年四季好風流此際分明都捉
敗顧視左右云更有一事一發與諸人說破今夜小
盡各各圍爐喫茶去

撰述

元旦上堂維那白槌云法筵龍象衆當觀第一義師
 云看滿天甘露灑濛濛徧地森森點翠濃佛法不須
 重舉似大家齊唱太平風有麼有麼拈拄杖云如無
 老僧自拈自弄去也年年有箇新年頭今日新年事
 事周國泰民安無底事道人林下自優游山河大地
 也優游以拄杖作舞勢卓下云拄杖子豈不優游耶
 所以道當堂顯示只要知歸擬議之間白雲萬里喝
 一喝云且道目前一句作麼生殘雪已消千嶂冷和
 風纔起萬溪春暮擲拄杖下座

示衆舉乾峯云舉一不得舉二放過一着落在第二

雲門出衆云昨日有人從天台來却往徑山去乾峯
 召維那云來日不得普請師拈云乾峯當時恰似誘
 人犯法好與三十棒雲門雖是見兔放鷹亦是忘前
 失後諸人到此切不得放過乾峯末後云來日不得
 普請底句雖然如是也是賊過後張弓頌云漁翁終
 日在灘頭釣得金鱗始便休放去收來風浪穩坐看
 明月下滄洲漫悠悠千尺絲綸任意浮活脫鰲頭驚
 却餌蘆花汀裏去藏舟

示衆舉世尊九十日在忉利天爲母說法及辭天界
 下時四衆八部俱往虛空界迎有蓮華色比丘尼作

念云我是尼身必居大僧後見佛不如用神力變作轉輪聖王千子圍遼最初見佛果滿其願世尊纔見乃訶云蓮華色比丘尼何得越大僧見吾汝雖見吾色身且不見吾法身須菩提在巖中宴坐却見吾法身師拈云惜當時蓮華色比丘尼未解世尊太煞慈悲若解言下脫然雖然世尊只說得如來禪若撞着山僧見他恁麼來攔頭便棒管教他變去不得諸人還知落處麼良久云天共白雲曉水和明月流

示衆舉夾山云我二十年住山未嘗舉着宗門中事一日有僧問承和尚有言二十年住山未嘗舉着宗

門中事是否山云是便掀倒禪牀山休去師拈云報恩當時若作夾山待這僧掀倒禪牀時但云今日却被閻黎啓請看他眼目定動旁脊便棒何待明日普請掘一坑令侍者請昨日問話僧來云老僧二十年只說無義話師云支離不少又云今請上座打殺老僧埋向坑中便請便請上座若不打殺老僧自着打殺埋此坑中始得師云雖用紅綿套子亦令人不快山僧若作這僧但進前云某甲罪過轉身拂袖便行何必潛去諸人悉知未會更爲汝等頌出賓主繇來未作家遞相鈍置莫矜誇箇中若具拿龍手任爾

撰述

卷之二

二十一

風濤眼豈賒

示衆舉石樓和尚一日纔見龐居士來便掩却門云
多知老翁莫與相見士云獨坐獨語過在阿誰樓便
開門纔出被居士把住云是師多知是我多知樓云
多知且置閉門開門卷之與舒相較幾何士云祇此
一問氣急殺人樓不語師云二大老慕劄相逢如兩
陣交鋒不無勝負至此石樓輸却一籌報恩當時若
作伊便道居士老老大大猶作這箇話會待他道弄
巧成拙又道箇恰是可不完局耶卽爲諸人總頌出
兩陣交鋒果是奇到頭贏得這些兒當場一着擬強

弱不避鋒鏃破禁圍閑翫賞弄旌旗收得頭來把尾
歸咄

示衆舉道吾因南泉云法身具四大否有人道得與
他一腰襪吾云性地非空空非性地此是地大三大
亦然泉不違前言乃與一腰襪師云道吾與麼道報
恩則不與麼道性地本空空非性地一大如故三大
亦然且道與古人是同是別若人簡點得出還我一
腰襪有麼有麼

示衆舉歸宗禪師泥壁次自侍郎來參宗便問君子
儒小人儒白云君子儒宗乃打泥拓一下白遂過泥

師着語云俊哉一是靈利宗接得便使良久云莫便是快俊底白侍郎否師着語云假醉揚惺亦是探竿影草白云不敢宗云祇有過泥分師云當時侍郎將成萬仞之山未進一簣之土山僧若作侍郎但應諾諾云和尚亦莫壓良爲賤雖然要恁麼君子儒也甚難得諸人還知二大老龍象蹴踏非驢所堪麼到這裏切不得放過良久云莫將無事爲無事往事從無事生

元宵示衆一燈續焰百千燈剔起眉毛絲未曾照得心空及第處方纔遠繼老南能

示衆舉玉泉浩布禪因東坡居士微服相訪浩問云尊官何姓坡云姓秤是秤天下長老底秤浩唾地云這一唾重多少坡休去師云山僧若作東坡便道猶未出定盤星在不使這老漢一唾至今收不得還有人收得麼若收得也許伊識分兩顧視左右頌云識得眉毛眼上頭何須特地起戈矛氣吞宇宙渾無礙觸着風雷電捲收意綢繆漫看天涯一色秋這裏若還親薦得道人無事樂悠悠

解制上堂師云春山青春水綠萬卉榮榮爭秀郁三三兩兩出林巒雲水悠悠自奔逐途中驀撞鐵蛇橫

撰述

天隱和尚靈巖卷一

一九四

擬議遭他底塗毒喫諸人還過得麼僧問機關未動
 呆日當空撥轉之時爲什麼乾坤猶礙師云從黑漆
 漆地來僧喝師云好一喝且道落在甚麼處僧作掌
 勢云和尚猶欠掌在師拈棒僧復喝師亦喝乃云九
 十日中眉毛廝結從今已去兩眼橫開燬破山河大
 地箇中無去無來蓦豎拄杖云三世諸佛從這拄杖
 頭上興慈運悲歷代祖師從這拄杖頭上點化羣迷
 天下老和尚從這拄杖頭上指東話西今日山僧一
 時捉敗衆中還有不甘者麼喝一喝卓拄杖云雲在
 猶頭閒不徹水流澗下太忙生下座

幻有和尚忌日師拈香云大明國裏這老漢兒孫滿
 地盡道今日是忌日設供山僧則不然正是老漢大
 解脫底時節諸人還知落處麼若知得落處也許你
 們拈一分香便禮拜

檀越請上堂師云老僧自解制後收起法幢封却法
 鼓待汝等新建法堂再與你們說幾句無義味話不
 料今日嘉定張居士數百里來得得設供請老僧陞
 座掀翻般若懺滌憊尤還有超情離見者出衆迺相
 酬唱僧問超情離見卽不問和尚向日道不盡底今
 日請垂一語師云你那裏得者消息來進云瞞我不

撰述

十五

得師云早是瞞了也僧便喝師亦喝乃拈拄杖云罪從心起將心懺心若空時罪亦空箇裏了然塵垢盡無邊障難悉消鎔雖然如是須知有向上一着始得悄然突出難辨端倪信手拈來豈容擬議蓦豎拄杖云看喚作拄杖則觸不喚作拄杖則背速道速道道得亦出不得建化門頭道不得亦出不得建化門頭且不落建化門一句作麼生道卓拄杖云三世諸佛亦如是歷代祖師亦如是天下老和尚亦如是老僧亦如是諸仁者亦如是箇中有箇不如是者好與三十拄杖復偈云解冤釋結總非難只在當人一念間

剔起鬚毛從此會歸家樂業享餘年卓拄杖下座上堂師云今晨菩薩誕生爲恒一芟染兼之南都諸友堅請陞座喝一喝云入山不畏虎兕力士之勇也入水不畏蛟龍漁人之勇也入林不畏佛祖機鋒道人之勇也衲僧家以何爲勇麼僧問觀音此日出世居士圓頂方袍雖則人聖超凡何異原來不隔如可是全提不隔底句師云師姑原是女人做進云月出水壺光照清虛之境如何是先照後用師云闇黎退後看進云風來水面魚聞性海之波如何是先用後照師云好與三十棒進云森羅顯煥以交輝杲日當

撰述

五經書

卷六

空而獨麗如何是照用同時師喝和聲便打進云逢
緣則事事皆真就理而時時普應如何是照用不同
時師低頭良久進云照用已蒙師指示如何是不涉
照用一句師直上視云還見麼進云與麼則彈指頓
超華藏界箇中不動一毫端師云脚下看取乃云一
塵不立猶在半途截斷衆流尚居門外且道到家一
句作麼生顧視左右云觀音菩薩將錢買糊餅放下
手時原來是饅頭到這裏直得如天普蓋似地普擎
耳裏藏得須彌山眼裏着得四大海方有語話分恁
麼則此人渾身坐在什麼處委悉麼數聲清磬是非

外一箇閒人天地間復偈云堂堂已具丈夫相就裏
還教識得渠今日分明親指示不須回顧更躊躇卓
拄杖下座

四月八上堂師云大千沙界百億須彌不動步而到
且道是甚麼人行履處諸人還知麼問答不錄師乃
云自從放出拿雲手隨波逐浪四十九只爲普利於
羣迷月印千江隨人走年年有箇四月八人人盡稱
生悉達雲門跛脚老阿師一棒拈來要打殺報恩今
日則不然冷眼看來沒益搔若將此語當禪宗後代
兒孫坑陷殺殃雲門大師來也左右顧視云還見麼

撰述

十一

爲汝諸人不唧溜隱入拄杖子裏去也喚作拄杖子
又是雲門大師喚作雲門大師又是拄杖子這裏若
分疎得下釋迦老子還他拄杖子這裏若
雲門大師拄杖子還他拄杖子且道報恩老漢脚跟
站在什麼處驀卓拄杖喝一喝下座

示衆師云老僧一夏來未曾舉箇佛法若論佛法兩
字也最難舉記得當時藥山向手中書一佛字問道
吾是什麼吾云佛字山云這多口阿師據報恩今日
說藥山只知他人多口不知自己多手老僧恁麼批
判只見錐頭利不見鑿頭方諸人還知落處麼若知

落處他日不得錯舉不知落處他日亦不得錯舉珍
重

上堂維那擬白椎林亥喝住云待我問了話白椎問
云昔日黃蘖道大唐國裏無禪師如今大明國裏還
有箇把麼師拈拄杖作打勢云看棒林便喝師亦喝
林又喝便轉身云不是狂兒多意氣止因曾透上重
關竟出師喝一喝林亦喝遙聞維那白椎林乃高聲
云歎你娘底死氣師良久乃云一向灰頭土面了無
佛法判斷若箇伶俐衲僧當機不用打算更有麼復
云資生貴圖求富參禪貴圖求悟求悟若似資生箇

箇成佛作祖大小高峯末後兩句云咄甜瓜徹蒂甜
苦瓜連根苦恰似首尾不相照報恩則不然資生何
必求富參禪何待求悟這裏直下承當人人本是佛
祖喝一喝卓拄杖云炎天汙流脊解衣林下涼下座
晚參師拽杖入堂云今日有則因緣不得不舉似大
衆知道報恩偶得二貓林玄秀書記携至方丈問老
僧云那一箇好老僧指秀左手底云遮箇好秀蓦榔
下而去二貓皆洎死老僧問旁人云死了耶移時秀
復入老僧曰你又來乃趨出秀曰老漢真箇無殺心
至後老僧出猫猶放在地上秀見更與一踏猫亂輶

老僧趕進秀已從別路出老僧拈棒直趨至門外打
衆皆集秀轉身曰和尚也掙命老僧便打秀約住作
掌勢老僧復抽杖打秀拗折拄杖擲地歸寮老僧復
至寮外高聲曰你不知鼠底害只欲行祖師門下事
秀在寮高聲答應曰說什麼祖師不祖師老僧曰與
麼爲甚踏殺貓秀曰和尚作這箇說話入地獄如箭
射老僧低頭入方丈到這裏老僧性命洎合不存衆
中有人代得一轉語相救老僧麼箬庵出衆云大眾
和尚今日普請拂袖便出師云過去了也林玄厲聲
云箭去西天十萬里猶在大明國裏擬議便退師卓

80 1 2 3 4 5 6 7 8 9 90 1 2 3 4 5 6 7 8 9

100 1 2 3 4 5 6 7 8 9

撰述

天台宗正統錄卷二

十一

柱杖云雖然如是不因漁父力爭得見波濤
檀越請對靈小參師以拂子打圓相云靈覺昭然不
滯空死生無異體元同當年信有這般事覲面相呈
逢此宗喝一喝云還會麼其或未然與你別資淨路
無沉中陰以遲疑直捷一路到蓮池上品菩薩爲伴
侶拋却人間五濁泥慕擲拂子

示衆舉大慧禪師上堂舉須菩提巖中宴坐諸天雨
華讚歎尊者曰空中雨華讚歎者是何人天曰我是
梵天尊者曰汝云何讚歎天曰我重尊者善說般若
尊者曰我於般若未曾說一字云何言善說慧喝一

喝云當時若下得這一喝非但塞却梵天口亦乃二
千年後免被徑山簡點天曰尊者無說我乃無聞無
說無聞是真般若慧又喝一喝云當時若下得這一
喝非但塞却須菩提口亦乃二千年後免被徑山簡
點且道徑山還有遭人簡點處也無自云有甚麼處
是遭人簡點處不合多口師云徑山老人如箇築漏
洞底一般恰是築着空生梵天二漏洞且道自家漏
洞還曾築着也未諸人若築得着道將一句來良久
云不見道不合多口便下座

示衆師云今朝七月一秋風漸漸急若是箇中人不

80 1 2 3 4 5 6 7 8 9 90 1 2 3 4 5 6 7 8 9 100

用重重說他人難用力須教自打徹大衆且道打徹箇什麼驀豎拂子云八角磨盤空裏走露柱懷胎笑點頭下座

檀越請對靈小叅師云世尊時七賢女遊尸陀林見一屍一女指云屍在這裏人向甚處去一女應云作麼作麼其時諸姊皆悟無生卽今智常楊氏其人不在其靈在此老僧恁麼舉揚還悟也未其或未然更與你別通消息偈云大千沙界一靈知無滅無生無所拘這裏若還親薦得蓮邦托質定無疑

示衆舉翠巖真禪師因黃國博問百丈華長老既是

百丈爲什麼却短小華云今日好天晴黃不契却請真代語結緣真云且問將來黃再問真云須彌南畔把手同行黃佇思却問意旨如何真云蚊子上鐵牛黃又佇思云不會請和尚爲某甲說真云你離却妻子來我與你說黃云祇如和尚還行得麼真云上藍寺裏送客一日行百十遭師云大小國博恁麼見解意欲勘驗諸方未到你在山僧今日也是扶強不扶弱衆中要箇扶弱不扶強底出來代他一轉語看若代不得切忌草草看古人因緣正如蚊子上鐵牛煩云三擒三放不知歸陸地行舟未可爲箇裏要知端

撰述

天隱和尚語錄卷一

三

的意還他真正作家兒
 唐祈遠聖俞暨公巽昆季等衆居士請祝壽上堂師
 拄拄杖云香雲繚繞婆婆界瑞氣遙騰四大洲箇裏
 了然無別事酬恩報德一毛頭山僧一秋困倦拄杖
 子今日跨跳出來令山河大地草木叢林森羅萬象
 情與無情齊唱無生曲祝憲宰存憶翁壽三世諸佛
 立地聽諸人還委悉得麼若委悉得令彼合門眷屬
 令子賢孫歡喜歸憑三寶各各自修自證所以道悟
 則事同一家迷則萬別千差到遮裏若欲識得佛境
 界當淨其意如虛空遠離妄想及諸取令心所向肯

無礙心既無礙事亦無礙事既無礙理亦無礙事理
 無礙事事無礙事事無礙如意自在舉拄杖云拄杖
 子豈不逍遙自在作書勢云要把南山寫君壽漫將
 東海作書池卓拄杖下座

天隱和尚語錄卷一終

80 1 2 3 4 5 6 7 8 9 90

1 2 3 4 5 6 7 8 9 100

撰述

開元寺

卷一

天隱和尚語錄卷二

嗣法門人通問等編

烏瞻山法濟禪院語錄

示衆師云坐斷威音那畔全超今事門頭若是伶俐衲僧當場共出隻手僧問隨流認得性無喜亦無瞋作麼生是認得底性師云還見麼僧便喝師便打進云春深花燦爛結果在斯時請和尚答一轉語師云看脚下僧禮拜師乃云靈源湛寂智體自如觸處洞然隨方應用目前無法拈來物物全彰箇裏無私舉起頭頭成現須是恁麼人行得恁麼事且道那箇是

恁麼人禾山打鼓雪峰輦毬趙州喫茶雲門餉餅到
遮裏山僧都用不着且道有甚長處卓拄杖云偶然
獨立孤峰頂閒看湖帆自往來

舉勝思惟梵天問不退轉天子云天子我常於此佛
國土不會見汝天子云梵天我亦不會於此國土不
會見我師云勝思不退二天子相會一曰不會見汝
一曰不會於此國土既彼此皆不會相見今覲面又
作麼生恰是箇貧兒索舊債一般豈非二俱瞎漢山
僧若作不退天子見梵天恁麼道便乃攔腮一掌又
若作梵天見不退天子恁麼道也好驀面一唾何故

豈肯當面蹉過如斯可不二俱作家耶山僧今已作
死馬醫諸人還知落處麼嘆有意氣時添意氣不風
流處也風流

示衆師云今朝四月一大事如何畢急急下疑情莫
待臨時決春回夏復來光陰如電疾嗟嗟一等人唐
喪竟不惜到這裏如何得不虛度去喝一喝云萬古
碧潭空界月再三撈撈始應知

舉初祖迦葉尊者因外道問如何是我我祖云覓我
者是汝我外道云這箇是我我師我何在祖云你問
我覓師云外道却被迦葉熟瞞何以直饒你會得我

撰述

我祖我也未會無我在且道無我何我無我卽真我
真我卽無我咄更饒你會到這箇田地也好與三十
棒

佛誕小參師云諸佛無心出世祖師豈意西來祇緣
衆生顛倒垂慈應接凡胎今晨是我釋迦老子露頭
露面底時節現前大眾若僧若俗若男若女若老若
少若遠若近還委悉麼若委悉得見聞隨喜者皆發
菩提心欣懷戀慕者願成無上道到遮裏還有知恩
報恩者麼不見當時世尊初生下時一手指天一手
指地周行七步目顧四方云天上天下惟我獨尊便

有衲僧氣象末後有個雲門道我當時若見一棒打
殺捺與狗子喫貴圖天下太平雖是逆風把舵且要
報恩有分何故一言迴脫特拔古今老僧今日有個
頌子要與佛祖相見頌云三大阿僧祇劫修出頭端
的振玄猷可憐跛足韶陽老盡力掀翻徹骨酬沒來
由堪笑時人逐浪遊不是英靈真衲子誰敢當機撼
鐵牛老僧今要順水張帆更與諸人通箇消息若要
紹隆佛種應須諦審先宗若不諦審先宗盡是隨邪
逐隊看以拂子打圓相舉柄剔破打一拂云在臨濟
則三玄三要照用同時復以拂子打圓相舉柄剔破

撰述

打一拂云在曹洞則五位君臣綿密回互復以拂子打圓相舉柄剔破打一拂云在雲門則事理雙彰權實並用復以拂子打圓相舉柄剔破打一拂云在鴻仰則父子唱酬體用不二復以拂子打圓相舉柄剔破打一拂云在法眼則滿目青山心境一如且道在山僧分上合作麼生拋下拂子云佛也祖也照也用也君也臣也事也理也父也子也體也用也心也境也都盧只在這些本地風光上發現喝一喝復拈起拂子云而今一一重拈出收放還他得自由

示衆舉傅大士因梁武帝請講經士纔陞座以尺拊

案一下便下座武帝愕然誌公乃問陛下還會麼帝云不會公云大士講經竟白雲端云傅大士與誌公被武帝一狀領過師云當時傅大士旣不是個座主何得趕他講筵若不得誌公如何合殺白雲和尚道大士誌公被武帝一狀領過且道那裏是他一狀領過處山僧今日也是路見不平恁麼判斷還知三大老一人有定國之謀一人有安邦之智一人有過量之才可惜當時武帝未能構得衆中還有代得一轉語麼良久云雖然如是帝王自有擎天略不動干戈定太平

撰述

示衆舉百丈大師侍馬祖行次忽見一羣野鴨飛過
 祖云是什麼探竿在手丈云野鴨子相隨來也祖云
 甚處去也點丈云飛過去又恁麼去也祖遂把丈鼻
 扭用也丈負痛失聲叫阿哪阿哪纔知痛癢祖云又
 道飛過去元來只在這裏破也丈直得浹背汗流因
 茲有省直須恁麼始得丈次日赴叅衆纔集乃出捲
 却拜簾纔得賤用祖便下座雖是當陽直捷不如震
 聲一喝免使向後周遮次問丈我適來上堂未曾說
 話你爲甚便捲却簾然雖勘驗也是憐兒不覺醜丈
 云昨日被和尚扭得鼻頭痛好不識羞祖云昨日向

甚處留心灸瘡癥上重着艾丈云今日鼻頭又不痛
 也也是死中得活祖云爾深知今日事轉見葛藤丈
 乃作禮而退後再叅侍立次祖目視禪牀角拂子無
 風起浪丈云卽此用離此用逆風使箭祖云你向後
 開兩片皮將何爲人當頭一拶丈取拂子豎起祇柱
 中流祖云卽此用離此用掉轉鎗頭丈掛拂舊處不
 動毫端祖振威一喝方用金剛王寶劍丈當下大悟
 直得三日耳聾何止三日耳聾百千萬劫命根斷盡
 大衆到這裏還知古人徹處麼切弗狐疑豈不見大
 慧老人云大悟十七八遍小悟不知其數此際是箇

撰述

五代宋元詩集卷一

人擔當得下山僧今日不惜睂毛爲諸人點破還知
 麼良久云從前汗馬無人識只要重論蓋代功
 端陽日小參僧問祖師心印遞代相承一曲無生請
 師舉唱師云天上漫漫地下漫漫進云如何是臨濟
 宗師云千雷並吼進云如何是鴻仰宗師云父子投
 機進云如何是曹洞宗師云君臣道合進云如何是
 雲門宗師云一鏃破三關進云如何是法眼宗師云
 卽在目前進云五家宗旨蒙師指不涉宗乘事若何
 师以拄杖橫按几上進云還有應時及節一句請師
 全道師攔頭一棒云你還當得麼僧禮拜云恁麼則

龍得水時增意氣虎逢山勢長威寧師云過一邊着
 問果日臨頭古今一色果日臨頭卽不問古今一色
 是何人境界師云目前無閻黎進云此是迦葉門庭
 事還有威音那畔請師明師豎起拄杖僧禮拜師乃
 卓拄杖云天申節令嚴千妖萬怪盡被山僧拄杖子
 一口吞却了也所以世界清淨一世界清淨則四維
 上下世界清淨四維上下世界清淨則多世界清淨
 多世界清淨則無量無邊世界清淨無量無邊世界
 清淨則不可思議世界清淨不可思議世界清淨則
 無不可思議世界清淨清淨亦清淨且道拄杖子何

故有如是威光如是作用如是奇特如是自在復卓一卓云當年曾踏上頭關今日分明親舉似示衆舉臨濟聞德山示衆云道道道得也三十棒道不得也三十棒濟令侍者去見他如是道便問道得爲甚也三十棒待伊打你便接拄杖推一推者去一如指教德山被一推倒便歸方丈閉却門者回舉似濟濟云從來疑着這漢雖然如是你還見德山麼者擬議濟便打師云德山和尚把住綱宗臨濟老人誘人犯法山僧當時若作德山待這僧推倒漫漫起來捉住三十棒一棒也少不得何故不惟令這僧別有

生機免致復遭臨濟毒手若作臨濟待他回來舉似便打不使這僧重加迷悶山僧今日如此判斷莫有傍不甘者出來更試斷看還出得這僧麼

示衆舉臨濟訪平田路口見一婆使牛乃問婆平田路向什麼處去婆便將牛打一棒云這畜生諸處走到這裏不知路濟云我問你平田路什麼處去婆云這畜生五歲也尚使不得濟云欲觀前人先觀所使便有抽釘拔楔之意濟至平田田問還見我婆也未濟云已收下了也田云近離甚處濟云江西黃檗田云情知你見作家來濟云特來禮拜和尚田云已相

撰述

見了也濟云不然賓主之禮合禮三拜田云旣是賓主之禮禮拜着師云我臨濟老人真爲大人作略只是平實問去隨這婆子張牙露齒欸欸道欲觀前人先觀所使便有抽釘拔楔之意且道這是贊他這是蓋覆及至平田田問還見我婆也未輕道箇已收下了也田只得別行一路你看平田老漢道還見我婆也未這一句且道是探竿是賣弄今人要識得賓主句且看二大老末後之言可足觀光雖然如是白拈手段總不見得且道如何是白拈手段喝一喝示衆舉鎮州萬壽和尚與保壽同參萬一日去保壽

保坐不起萬乃展坐具保下禪牀被萬便坐却禪牀保乃歸方丈閉却門萬坐不起主事云和尚閉却門請庫下喫茶萬便歸院保明日却去復禮萬也坐不起保展坐具萬亦下禪牀保乃坐却禪牀萬遂歸方丈閉却門保於侍者寮取灰圍却方丈三道便歸萬開門見云我不與麼他却與麼師云二大老一衝一撞如兩虎相見各露爪牙無有一毫虧損處不媿同參足爲模範不若今時人纔露爪牙先自傷鋒犯手只欲瞞人殊不知旁觀者哂法濟今日不咄咄恁麼告報亦是傷鋒犯手了也還知落處麼良久云不因

撰述

夜來雁爭見海門秋

示衆舉陳操尚書請雲門齋纔見便問儒書中卽不
問三乘十二分教自有座主作麼生是衲僧行脚事
諦當諦當門云曾問幾人來書云卽今問上座門云
卽今且致作麼生是教意掉轉鎗頭來也書云黃卷
赤軸禍出口門門云這箇是文字語言作麼生是教
意書云口欲談而辭喪心欲懸而慮忘道得一半門
云口欲談而辭喪爲對有言心欲懸而慮忘爲對妄
想作麼生是教意更上一層樓書無語可惜拶到牛
角梢頭無門得出山僧若作尚書便道已知上座深
得如來禪也門云見說尚書看法華經是否書云是
又是一重公案門云經中道一切治生產業皆與實
相不相違背且道非非想天有幾人退位書無語山
僧若作尚書便云待我到非非想天卽向上座道門
云尚書且莫草草三經五論師僧拋却特入叢林十
年二十年尚不奈何尚書又爭得會書禮拜曰某甲
罪過雲門老人當時如握一柄吹毛劒相似直教法
法難存尚書素常亦是具人天眼目到這裏不得不
復受鉗錐今時還有如是衲僧如是居士麼有則向
前來遞相證據良久喝一喝云不妨收起垂鈎線免

撰述

卷之三

三

使風波浪裏行

六月十九小叅林亥出問鳴蟬滿林噪青蓮遍界馨
觀音大士從耳根證圓通則不問如何是正法眼師
云腦後看進云與麼則飲先生面重開煥殘榴飛處
笑顏新也師云過那一邊進云祇如大士千眼阿那
隻是正眼師豎起拄杖云還見麼進云傑侍者喚作
破沙盆還有報恩分也無師云無進云與麼則瞎驢
滅却風猷振臨濟綱宗千古威三玄三要請師提掇
師云歷問將來進云如何是第一玄師拈拄杖云這是
榔栗拄杖子進云如何是第二玄師拈拄杖橫按

桌上進云如何是第三玄師喝隨聲便打進云如何
是第一要師云開口便好笑進云如何是第二要師
云我不向你道進云如何是第三要師云日輪當戶
照進云祇如入門便喝作麼生應和師云你試喝看
進云三頓烏藤還有差別也無師便喝進云與麼則
要玄棒喝鋒鋸凜穿鑿瞞預犯手多師以拄杖畫一
畫云截斷葛藤進云枝頭啼血空勞力不如緘口臥
烟蘿天色炎蒸伏惟珍重便禮拜師云少賣弄乃云
揭開雲霧鎖露出萬重山大悲千手眼隨處得安然
蓦豎拄杖云大眾還見麼菩薩現全身作用於拄杖

撰述

頭上興慈運悲普利一切要某上座助揚法化只得舉則現成公案與大眾通箇消息記得南院問風穴南方一棒作麼商量院拈拄杖曰棒下無生忍臨機不見師穴於言下大徹玄旨當時風穴悟則不無怎奈落在第二頭了也若山僧作南院待他開口道和尚此間一棒作麼商量劈脊便棒管教伊七通八達雖然今時有等莽鹵漢便作一棒會埋沒先聖暗却時人眼目不少諸人又作麼生會顧視左右喝一喝云劖爲不平離寶匣藥因救病出金瓶

示衆舉齊峰和尚一日與龐居士並行士乃前行一步云我強如師一步峰云無背向老翁要爭先在士云苦中苦未是此一句峰云怕公不甘士云老翁若不甘齊峰堪作什麼峰云若有棒在手打不解倦士便打一摑云不多好峰始拈棒被士把住云這賊今日一場敗闕峰笑云是我拙是公巧士乃拊掌云平交平交師云二老一個半斤一個八兩得人一牛還人一馬雖然如是就中有一個出格底也是自起自倒還有人箇點得出麼良久云雪中月色誰能辨堪笑知音暗點頭

撰述

示衆舉趙州和尚一日到僧堂後逢一僧乃問大衆
 總向甚處去僧云普請去州遂於袖中取刀度與云
 老漢住持事繁請上座爲我折倒却便引頸向前其
 僧便走師云當時趙州幸是不遇其人若遇其人則
 性命難存矣雖然剛刃雖快不斬無罪之人山僧今
 日亦是住持事繁要諸人折倒也無刀子縱有刀子
 亦不藏在袖裏何故我王庫內無如是刀諸人還知
 落處麼更有一頌金剛寶劍逼人寒纔露鋒鋩便不
 堪殺活豈容君擬議主賓相見辨毫端

示衆舉西峰至睦州致茶菜次州問長老今夏在甚

處安居峰云蘭溪州云有多少衆峰云七十來人州
 云時中將何示徒峰拈起柑子州云着什麼死急峰
 無語師云西峰當時一一供直未後着些精采恰被
 睦州老人用金剛王寶劍一截截斷便不完賓主之
 禮山僧若作西峰待他道着什麼死急只向伊道也
 須舉似過豈不賓主始終耶所以道賓則始終賓主
 則始終主雖然如是殺人刀活人劍

晚叅師拈拄杖云若論此事久叅達士未舉先知晚
 學初機應當努力不見趙州和尚道我在南方三十
 年除二時粥飯是我雜用心處諸人作麼生得不雜

撰述

用心昔日有一僧問龍牙十二時中如何用力牙云
如無手人行拳大鴻云是則是又教人入陰界裏作
活計十二時中如何用力如有手人行拳又且如何
今日法濟道你若十二時中用力處道無却是斬頭
覓活落在龍牙手裏你若十二時中用力處道有又
是頭上安頭落在大鴻手裏你若十二時中用力處
道不有不無一法罷罷侗侗又落在法濟手裏你若
道三處俱不着又是莽莽蕩蕩了也到這裏諸人十
二時中如何用力生死事大切不得悠悠漾漾唐喪
光陰他日有人算飯錢莫言不道卓拄杖云參

示衆舉忠國師因虞軍容問師住白崖山如何修行
師與童子以手摩頂云惺惺直言惺惺歷歷直言歷
歷向後莫受人謾軍容無語師云大小國師老大修
行却被軍容一問直是手忙腳亂推出童子來之乎
者也引得後人莫認識神爲自己諸人且道軍容會
得無語會不得無語

示衆舉世尊因長爪梵志索論義預約云我義若墮
我自斬首世尊云汝義以何爲宗志云我以一切不
受爲宗世尊云是見受否志拂袖而去行至中路乃
省謂弟子云我當回去斬首謝世尊弟子云人天衆

撰述

五代史

三

前幸當得勝何以斬首志云我寧於有智人前斬首不於無智人前得勝乃歎曰佛置我兩處負門若我說是見我受是負門處麤故衆人所共知第二負門處細我欲不受以少人知作是念已而白佛言世尊一切不受是見亦不受佛語梵志汝不受一切法是見亦不受則無所破與衆人無異何用貢高而生憍慢梵志不能致答默自念言我負墮處世尊不彰我負不言是非得大甚深法最可恭敬卽於坐處得法眼淨師云梵志當時雖是伶俐中途省得意欲斬首謝世尊脫得兩處負墮爲甚麼到這裏致答不得殊

不知直饒你脫得兩處負墮已落在世尊圈縛了也卽今還有出得世尊圈縛子者麼以拄杖畫云且截斷葛藤雖然今時人不惟不知負墮尤自護病則不若梵志多矣擲下拄杖呵呵大笑

示衆舉南泉大師因山下有一庵主人謂近日南泉和尚出世何不去禮見主云非但南泉出世直饒千佛出興亦不能去泉聞乃令趙州去勘州去便設拜主不顧州從西過東又從東過西主並不顧州云草賊大敗遂拽下簾子便歸舉似泉泉云我從來疑着這漢師云南泉老人坐斷乾坤到這裏也把不住却

令趙州慣戰作家去也搖撼不動他豈不勞而無功這庵主雖然把定綱宗也是抱椿搖櫧山僧今日看來個個都是不唧噥漢這裏衆中莫有唧噥者麼出來爲三大老出氣如無老僧今日失利

示衆師云今朝已夏末明早是秋來人人本分事切莫被時埋且道不涉陰陽一句作麼生道左右顧視云出頭天外看誰是這般人

示衆舉雲門到灌溪有僧舉溪語云十方無壁落四面亦無門淨裸裸赤灑灑沒可把問門作麼生虧你記得這一落索門云與麼道卽易也大難出驀頭一

點僧云上座不肯和尚與麼道那逐句尋言門云你適來與麼舉那還着本人僧云是好不知羞門云你驢年夢見灌溪復是一拶僧云某甲話在猶是不知門云我問你十方無壁落四面亦無門云云你道大梵天王與帝釋商量什麼事慣得其使僧云豈于他事隨語生解門喝云逐隊喫飯漢果然果然這僧不惟孤負灌溪垂訓亦負雲門指點若是伶俐衲僧在二大老處達其端倪便是一生參學事畢今日還有知音者救得此僧麼老僧爲你證據良久云更聆一頌當場體用得全機着着分明何更疑只爲從前都

撰述

卷之三

五

學解到頭難做克家兒

示衆舉漸源同道吾去弔慰次源乃拊棺云生耶死耶吾云生也不道死也不道源云爲甚不道吾云不道不道回至中路源云和尚快與某甲道若不道打和尚去也吾云打卽任打道卽不道源便打吾歸院云汝宜離此去恐知事得知不便道吾遷化後源至石霜舉前話請益霜云生也不道死也不道源云爲甚不道霜云不道不道源於言下有省師云這公案批評者多決斷者少山僧今日要與道吾下個註脚則不孤他一片婆心而受人屈處何故他道生也不

道死也不道惑殺分明爭奈漸源逐句迷源還問道爲甚麼不道到這裏道吾更說個不道不道雖是雪上加霜亦乃赤心片片他又漆桶不快如斯莽鹵以致道吾末後廉纖若是山僧當時作道吾何必定要說到底道個打卽任打道卽不道但向他道閑黎切忌恁麼會待他擬議便棒免伊獲罪彌天卽今衆中還有人見得道吾落處出得漸源麼如無山僧更與頌出風飄飄兮雨濛濛意欲還鄉路不通挨到水窮山盡處方知昔日自朦朧

示衆舉夾山會禪師會下有一僧到石霜入門便道

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

不審霜云不必閣黎僧云與麼則珍重又到巖頭亦云不審頭乃噓兩聲僧云與麼則珍重纔回步頭云雖是後生亦能管帶其僧歸舉似山山明日陞堂乃喚昨日從石霜巖頭歸底阿師出來如法舉似前話僧舉了山云大衆還會麼若無人道老僧不惜兩莖眉道去也乃云石霜雖有殺人刀且無活人劍巖頭亦有殺人刀亦有活人劍師云這僧雖不怎麼頗耐風霜若不是二大老慧眼圓明怎能勘得伊出然則巖頭固有長處若非夾山泊合理沒可見當時善知識推已讓人若是今時人不惟不肯恁麼道猶要弄

巧謾人藏頭蓋尾山僧今日亦是不惜眉毛與諸人明明拈出雖然如是且道如何是殺人刀活人劍這裏識得非但得見巖頭石霜亦乃會得夾山老人親切處若不如是正落在時人圈繢裏便道到這個所在有什麼得失是非將個棗子囫圇吞了也豈不救麥不分遭人簡點耶良久云竹密何妨流水過山高那礙白雲飛

示衆舉忠國師因紫璘供奉擬註思益經國師乃問大德凡註經須會佛意始得供奉云若不會佛意怎解註得國師乃令侍者盛一椀水着七粒米在水中

撰述

椀面安一隻箸問云這個是什麼義供奉無語國師云老僧意尚不會豈況佛意爭解註得經鴻山果云供奉先鋒有作殿後無功當時纔見國師問此是什麼義只對云草本不勞拈出踢到便行直饒國師通身是口也無說處師云鴻山恁麼批判不無衲僧氣槩仔細簡點將來也出不得國師圈續在山僧若作供奉待他道這個是什麼義但云上大人丘乙已化三千七十士爾小生八九子佳作仁可知禮也

示衆舉雲門問直歲什麼處去來歲云刈茅來門云刈得幾箇祖師歲云三百箇門云朝打三千暮打八

百東家杓柄長西家杓柄短又作麼生歲無語門便打師云當時法濟若作這僧待他道朝打三千暮打八百云云但道和尚猶嫌少在他若打來接住推倒可不慶快平生雖然爭奈雲門老人棒頭有眼徑山道箇直歲無語有三百箇祖師證明雲門令雖行要且棒頭無眼老老大大作如是話會真正眼者試辯看

示衆舉世尊一日坐次見人昇豬過乃問這個是甚麼人云佛具一切智豬子也不識世尊云也須問過師云當時世尊雖是退步就人怎奈昇豬者不鑑誰

撰述

解得大慈悲父若是山僧見他道佛具一切智猪子也不識但云我也知你祇識得箇猪子若是旁觀者道旣不喚猪子又道箇什麼只輕輕向他道這孽障復頌云大似無端驀問來令伊異類着疑猜箇中識得瞿曇面管教不動出三災

示衆舉奉先深禪師同明和尚在衆時聞僧問法眼如何是色眼豎起拂子或曰雞冠花或曰貼肉汗衫三人特往請益問曰承聞和尚有三種色語是否眼曰是深曰鵠子過新羅便歸衆千人荒裏奪高標時李王在座下不肯蹉過不少乃白法眼曰寡人來日

致茶筵請二人重新問話明日茶罷備綵一箱劍一口謂二師曰上座若問話得是奉賞雜綵一箱若問不是祇賜一劔王令當嚴法眼陞座倚勢欺人深復出問今日奉敕問話師還許也無探竿在手眼曰許忒殺實頭深曰鵠子過新羅捧綵便行慣得其便大衆一時散去時法燈作維那乃鳴鐘集衆僧堂前勘深也是陣後興兵衆集燈間承聞上座久在雲門有甚奇特因緣舉一兩則來商量看深曰古人道白鷺下田千點雪黃鸝上樹一枝花維那作麼生商量用大旗鼓一奪燈擬議安知落處深打一坐具便歸衆

8012345678990123456789100123456789

得大機顯大用快哉不忝雲門之後可惜當時法眼
會下無有敵手任這老漢一衝一撞如趙雲百萬軍
中取阿斗相似今日還有知音者麼出衆來爲燈維
那出一口氣看良久云太平原是將軍定不許將軍
見太平

示衆舉道吾見雲巖修鞋次乃問作什麼巖云將敗
壞補敗壞吾云何不道卽敗壞非敗壞師云這兩箇
老漢恰似座主見解當時山僧若作雲巖見道吾問
作什麼便拋下鞋子云你道是什麼又若作道吾見
雲巖道將敗壞補敗壞但道殺掛東蓋西如是免

使後人落在義解中去雖然山僧恁麼批判亦是相
樓打樓有甚麼交涉呵呵大笑

示衆舉三平忠禪師一日陞座有一道士出衆從東
過西又一僧從西過東真僞歷然平云適來個道士
却有見處師僧未在探竿在手道士出衆作禮云謝
和尚接引着平便打正令當行僧出作禮云乞和尚
指示來也平亦打終無二格平復謂衆云此兩箇公
案作麼斷還有人斷得麼如是三問衆無對法濟當
時若在座下但云和尚也須喫棒何故捨不得自己
贏不得他人平云旣無人斷得老僧爲斷去也乃擲

80 1 2 3 4 5 6 7 8 9 90 1 2 3 4 5 6 7 8 9 100

下挂杖歸方丈諸人還知三平落處麼若知得三平落處便知法濟落處左右顧視云夜靜水寒魚不食滿船空載月明歸

嚴居士兄弟等施銅鐘薦先考妣請師小叅師拈槌指鐘云這鐘彼爲薦父母又乞山僧說法山僧無法可說記得東坡居士有鐘銘偈云有鐘誰爲撞有撞誰撞之三合而後鳴聞所聞爲五缺一不可得汝則安能聞汝聞竟安在云云大小東坡說義理禪山僧則不然驀舉鐘槌云還見麼復敲鐘三下云還聞麼這裏會得一超直入如來地其或未會更聽一偈鐘

擊一擊頓超然薦拔先靈出陰纏今日老僧親指示管教步步踏青蓮

舉忠國師問座主講什麼經主云惟識論國師云作麼生會惟識論主云三界惟心萬法惟識國師指簾云這箇是什麼法主云色法國師云大師簾前賜紫對御譚經何得五戒不持師云座主講得千經萬論到這裏開口便錯法濟當時若作座主待國師指簾問這箇是什麼只對他道國師老老大大簾子也不識衆中有不甘者出來道你也只識得箇簾子法濟向他道國師問什麼來待他擬議卽便喝出

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

示衆舉韓文公問大顛和尚春秋多少顛乃提起數珠示之云會麼公云不會顛云晝夜一百八師云韓公蹉過不少公罔措歸宅快快而已夫人乃問侍郎神思不懌復有何事師云賢哉賢哉公遂舉前話夫人云何不進云晝夜一百八意旨如何師云善言言者公明日凌晨遂去門首乃逢首座座云侍郎入寺何早師云好不知來處公云特去堂頭通話座云堂頭有何因緣開示公舉前話座云侍郎怎生會公云晝夜一百八意旨如何師云老老大大做學語之流座乃扣齒三下公後至堂頭又進前語晝夜一百八

意旨如何堂頭亦扣齒三下公云信知佛法一般師云休錯認顛云見什麼道理乃云一般公云適來門首接見首座亦復如是顛遂喚首座問適來祇對侍郎佛法是否座云是顛便打趨出院師云大顛未後全行正令在首座以振真規在侍郎則失其所向當時侍郎具眼果信得佛法一般便速禮三拜保得首座不趨出院豈不一場好事今日有人代他一轉語看如無不惟孤負大顛亦使老僧失利有麼有麼良久云佛法若無真正眼宗門那得到如今

撰述

顛頭笑今誰是知音者萬水千山聽不休卓拄杖云
 古人建庵龍舌上也教說法虎頭邊而今到此重拈
 出那箇男兒不丈夫到這裏懸崖撒手自肯承當絕
 後再甦欺君不得便可逍遙翠貧徑漫跨觀瀑橋直
 上擊竹崖行住坐臥於曝背巖窩酌石浪泉唱無生
 曲掛瓢於蒼松枝上作箇無事衲僧其或未然切不
 得見山忘道所以古人云通玄峰頂不是人間心外
 無法滿目青山喝一喝云且道懸崖撒手一句作麼
 生道舉頭天外看誰是這般人

示衆舉僧參善道禪師纔展坐具道云不用通時喧

還我文彩未生時道理來僧云某甲有口啞却卽間
 苦死覓箇曬月扇子作麼道拈棒作打勢僧把住云
 還我未拈棒時道理來道云隨我者隨之南北不隨
 我者死住東西僧云隨與不隨且致請師指出東西
 南北道便打師云這僧可謂敵勝驚羣底手段只是
 未後欠一着在老漢若作這僧待他打來更接住云
 打卽不無且道是南是北是西是東便推倒呵不有意
 氣時添意氣不風流處也風流今日法濟門下還有
 這等僧向前麼老漢也不用棒管教他一一透露去時有僧纔出衆師云文彩已彰便休去

撰述

示衆舉雪峰問僧甚麼處來僧云浙中來峰云船來
 陸來僧云二途俱不涉峰云爭得到這裏僧云有什
 麼隔礙峰打趣出僧過十年後再來峰又問甚處來
 僧云湖南峰云湖南與這裏相去多少僧云不隔峰
 竪起拂云還隔這個麼僧云若隔卽不到也峰又打
 趣自此僧住後凡見人便罵峰一日有同行聞特去
 訪乃問兄到雪峰有何言句便如是罵他遂舉前話
 乃被同行詬叱與他說破當時悲泣常向中夜焚香
 遙禮師云雪峰老人行其正令這條白棒不忝德山
 之風可惜當時不遇其人重重蹉過這僧旣不憚勞

苦撥草瞻風何其莽齒以至如斯及遇同叅通箇消
 息悔之晚矣雖然此猶是君子禪也不若今時不服
 善者寧招謗法之愆永無悲泣之意可見今人不如
 古人多矣大凡叅學須自具眼目切莫當面蹉過以
 賦後日之悔今日有新到者麼衆無語師復頌云憧
 憬往返隔千山覩面相承與話難不得知音痛呵叱
 到頭終是一顛頑

示衆舉夾山問僧甚處來僧云洞山山云洞山有何
 言教僧云洞山尋常許人三路學所謂玄路鳥道展
 手山云實有此語否僧云實有山云執持千里鈔林

下道人悲師云這僧當時祇成得箇學語之流豈具
衆方眼目夾山老人雖持勘辨鉗錘好似打繫脚兔
一般若是法濟則不然待他道許人三路學便云我
這裏一路也無看他若更遲疑攔頭便棒令伊不孤
負洞山別有生涯今日衆中還有與這僧出氣得者
麼良久云如無切忌傳言送語

示衆舉澧州大同濟禪師一日因米胡領衆來纔欲
相見濟便拽轉禪牀面壁而坐米於背後立少時却
回客位濟云是卽是若不驗破已後遭人貶剝却令
侍者去請米纔上來却拽轉禪牀便坐濟乃遶牀一

匝便歸方丈米却拽倒禪牀領衆便出去師云二大
老相見各展鋒鏑不無機用只是未得賓主和融近
相酬唱當時山僧若作米胡見他面壁而坐便拊背
一下拂袖而出免使後面周遮又若作大同看伊拽
轉禪牀便坐更令侍者點茶來可使主賓道契雖然
如是看來不會作客勞煩主人二俱失利

示衆舉丹霞訪龐居士至門逢靈照先菜次霞問居
士在否靈照放下菜籃斂手而立霞再問照提起籃
便行霞遂回須臾居士還照乃舉似前話士云丹霞
在麼照云去也士云赤土塗牛奶奶師云據山僧見處

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

他三大老各顯神通不無箇點何故且看丹霞問頭
雖是平常也要妝箇朦朧靈照應機截然無不臨風
賣俏到這裏龐老合當結疑恰似父子相瞞山僧恁
麼判斷總是因語識人雖然祇如赤土塗牛糲這一
句又如何商量還有人道得者麼試道看

示衆舉臨濟大師道赤肉團上有一無位真人在汝
等面門出入未證據者看有僧出問如何是無位真
人濟下禪牀扭住云道道僧擬議濟托開云無位真
人是什麼乾屎橛師云當時臨濟大師雷聲甚大雨
點全無何故他道未證據者看及至被這僧一拶直
自下禪牀手忙腳亂幸是不遇其人若法濟作這僧
待他扭住時輕輕道箇老漢忙甚麼又待他托開云
無位真人是什麼乾屎橛我也知你說真方賣假藥
這裏未證據者且置已證據者出來道看如無山僧
更爲頌破赤肉團中無位人而門出入最相親可憐
未遇知音者却把真金換六塵

示衆舉丹霞和尚問龐居士昨日相見何似今日士
云如法舉昨日事來作箇宗眼霞云祇如宗眼還著
得龐公麼士云我在你眼裏霞云某甲眼窄何處安
身士云是眼何窄是身何安霞休去士云更道取一

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

卷二

句使得此話圓霞亦不對士云就中這一句無人道得師云丹霞老漢被龐公折倒了也若是山僧當時見他道是眼何窄是身何安但向道半肯半不肯何故老龐前言不應後語雖然更道取一句方得此話圓良久云太湖三萬六千頃月在波心說向誰

示衆舉羅山道閑禪師在禾山因清貴上座說話次貴云天下無第一人大小鴻山猶輸他道吾師云道聽途說山云有什麼語輸他師云諦審貴舉石霜辭鴻山纔禮拜起鴻問有句無句如藤倚樹子意如何霜無對師云許你真實却到道吾吾問甚處來霜云

鴻山來吾云有什麼言句霜遂舉前話師云也是直頭吾云汝何不道取師云旁觀者清霜云祇爲道不得師云直不藏曲吾云汝爲我看庵待我與你報讐去師云錯吾往鴻山鴻泥壁次忽回首見道吾在背後便云智頭陀因何到此師云探其來由吾云某甲不爲別來祇爲和尚問諸道者有句無句如藤倚樹還是也無師云着鴻云是師云着賊了也吾便問樹倒藤枯時如何師云相隨來也鴻山呵呵大笑師云慣得其便被道吾捺向泥裏師云欺敵者亡鴻山總不管師云失便宜處得便宜貴上座舉了云這箇豈

撰述

不是鴻山輸他道吾師云虧你具眼羅山云上座三十年後若有把茅蓋頭切忌舉這箇話貴不肯却與道吾作主師云怪伊不得被羅擒下地云白大衆各請停喧某甲今日與清貴上座直爲鴻山雪屈話且須側聆師云作家戰將貴云知也知也便禮拜師云慙惶殺人山云何不早道你還識道吾麼祇是館驛裏本色撮馬糞漢師云明眼宗匠天然猶在當時鴻山老人慈悲之故開方便門親到者多錯會者不少道吾這些英氣雖是當仁不让不知鴻山放過處豈得旁觀者不忿要與證明今時還有知古人落處者

麼切忌穿鑿你看羅山道你還識道吾麼只是館驛裏本色撮馬糞漢且道是賞伊是罰伊具眼者試辨看

薦亡小參師云靈光耿耿智體如如今古洞然凡聖靡間與麼委悉得逍遙於三界之中放曠於六塵之外男身沒女身出不減一絲毫女身沒男身出不增一線道來時如片雲點太虛而無所住去時似孤月映寒潭不留剩跡於是則生亦得死亦得湛然常住心境一如既然如是且道目前所薦茅氏在何處安身立命豎拂子云全憑殊勝力畢竟托蓮胎

復舉文殊師利問庵提遮女曰生以何爲義女曰生以不生生爲生義殊曰如何是生以不生生爲生義女曰若能明知地水火風四緣未嘗自得有所和合而能隨其所宜是爲生義殊曰死以何爲義女曰死以不死死爲死義殊曰如何是死以不死死爲死義女曰若能明知地水火風四緣未嘗自得有所離散而能隨其所宜是爲死義到遮裏庵提遮女翻問文殊師利曰明知生是不生之理爲甚麼却被生死之所流轉殊曰其力未充師云大小庵提遮女雖見到而未能行到文殊師利雖行到也則盡力說得箇其

力未充大衆卽今其力已充一句又作麼生道喝一喝云巨靈擡手無多子分破華山千萬重

解夏小參師拈拄杖云當陽顯露作者知歸葛劄相逢時人未會收綸罷釣五湖烟水澄清撥草瞻風四海雲林奔走若住也若行也本來無得無失若迷也若悟也便乃有證有修到遮裏直須兩頭撒開中間不立所以道未有常行而不住未有常住而不行欲益無所欲爲無所爲既然如是隨緣不變一句作麼生道卓拄杖云且歸茅屋舊居處閒看清溪不斷流

8012345678990123456789

100123456789

撰述

天隱和尚語錄卷二

三

到山頂卓卦如天且聽苦室舊日說聞音前契不識
盡無領益始發難測教雖然取鑒翻然不變一念一
不虛懷以證本心常存本末常在而本心於
萬物起滅本體亦存於無裏直承兩頭端開中路
妙學不外此也春齊山本來無異無大吾故也
愚林人未會知他畢竟正照厚木登青翠草顚風
雲要小翁唱出妙云當處靈霓若春暖曉霧降伏

天隱和尚語錄卷三

嗣法門人通問等編

荆溪磬山語錄

磬山初剃臘八日示衆師云磬山茅屋冷淒淒到者
都緣向上機鼻孔盡從今打失赤條條地得無衣作
麼生是向上機自代云泥牛吸水武陵溪今辰是我
釋迦老子柄底脫落底時節大眾還知麼若知得當
初釋迦老子悟得箇什麼來若未知看舉起拂子云
釋迦老子在汝等眼曉毛上放大光明照見三千大
千世界還見麼若見得徹去覩明星時無二無別其

或未然誠謂徒入空門虛生了也各各挽起眉毛盡平生力量挨拶將去不可蹉跎歲月埋沒此光明去也今茲徐居士二十年長齋慕道海內知識一一叅叩錯禮山僧爲師爲伊芟染亦有箇領子相記脫俗爲僧翻掌間轉凡成聖也非難雪山老漢日成道今古明星照遠山久立珍重

除夜示衆師云一年容易過大盡在今宵生死無憑據陰陽定不饒大衆團團圍住茲磬山阿相伴老僧作何功行莫謂老僧使得你們忙碌碌地無暇做參禪辨道底工夫且道你們終日起來忙閒動靜運

水搬柴者是誰迎賓待客墾土掘地者是誰穿衣吃饭屙屎放尿者是誰須是於中識得本命元辰不離放尿屙屎不離吃饭穿衣不離掘地墾土不離待客迎賓不離搬柴運水不離動靜忙閒若於此識不得本命元辰忙閒動靜即被忙閒動靜礙運水搬柴即被運水搬柴礙迎賓待客即被迎賓待客礙墾土掘地即被墾土掘地礙穿衣吃饭即被穿衣吃饭礙屙屎放尿即被屙屎放尿礙遮一落索老僧代你們用力不得須要你們件件自家着力始得還曾簡點得也未不然莫說一年除歲容易縱經百年虛度光陰

撰述

天問和詩錄卷三

有什麼用處大衆會麼驀卓拄杖云來年更有新條
在惱亂春風卒未休

歲旦示衆拈香祝 聖畢師召衆云本地風光無背面
物物拈來始成現 大千沙界絕羅籠一句當陽如
閃電年新月新日又新步步行來步步新踏着這重
關換子原來卽是舊時人所以回天轉地不須愚智
功能透古超今不落凡聖階級且如新年頭佛法還
有商量也無若道是有水中捉月若道是無色裏膠
青恁麼則不涉有無還委悉麼以拄杖劃一劃云打
開雲戶看露柱放光輝復頌云雪後一枝梅吐玉豁

然天地共陽春太平盡唱無生曲引得巖前石虎吟
元宵示衆師云山中正月十五也無村歌社舞都虛
本分禪和不打尋常這鼓剔起無相燈光照破人入
鼻祖且道燈未明時光在什麼處舉起拂子云明暗
兩頭俱脫落一毛端上現全身

清明日晚參師云今朝却是清明節河邊細柳垂枝
折損舟登岸小阿娘跌脚搊眉訴冤屈聲聲哭到松
林間叫殺青天全不答誰知生死路悠悠一去更無
箇消息何如脫俗出家兒無憂無喜無交涉驀拈拄
杖卓一下云唯有這箇不遷變今年去年曾無倦登

山涉水賴伊扶風前月下常相見見見眼裏瞳神
耳裏現喝一喝良久云愁人莫向愁人說令得愁人
愁殺人

示衆師卓拄杖云衆兄弟久處叢林偏叅知識還曾
撥着這一着子也未若撥着這一着子順逆境緣處
自然不被塵勞封鎖生死岸頭時脫然不隨業識牽
纏在世出世了無星礙誠謂之無事道人若未撥着
徒自苦辛山山水水千里勞神波波碌碌旣爲出家
兒父母遠離親朋絕往澹泊無爲翛然灑樂趁此色
力強健猛着精彩日夜研窮究取這一着子十二時

中無絲毫異緣畢竟要討箇分曉纔得不辜出家之
志不負佛祖之恩雖然如是恁麼說話若在了事人
前拾如送箇臘月扇子也喝一喝云且截斷葛藤

歲旦示衆師云天啟四年正月一春到人間將半月
梅花笑雪滿庭香透過時人娘生鼻驀舉拄杖云看
惟有這箇原如此也無年也無月也無新舊只平常
直直對君親剖悉擲拄杖云雖然如是且道新年頭
上一句又作麼生道良久云大家登寶殿祝 聖願
長春

絕糧示衆舉世尊一日敕阿難食時至汝入城持鉢

難應諾曰汝旣持鉢當依七佛儀式難遂問如何是七佛儀式佛召阿難難應諾佛曰持鉢去師云幸喜幸喜世尊大慈大悲當時若不開這一路洎合餓殺老僧大衆且道靈山會上曾打到這箇境界遣阿難未曾打到這箇境界遣阿難試道看況世尊三界大師福被人天何故只遣阿難入城持鉢千二百衆合作麼生磬山今日則不敢釘釘遣誰去且這一條路誰行得誰行不得可不見義勇爲耶記得昔年有箇頌子爲諸人舉似托鉢生涯七佛儀瞿曇盡力是提撕阿難當下通消息那用婆心第二機

師五十誕辰前一日示衆師云寄跡閻浮五十春不知虛幻受玲躡自從胡亂年來後閒看長空放白雲所以道真如性海本無出沒大悲願力示現去來且道旣無出沒焉有去來真如性海與大悲願力是同也是異也若道同蓦舉起拂子云這是大悲願力如何是真如性海若道異垂下拂子云這是真如性海如何是大悲願力若道不同不異則無老無少無大無小無長無短無有無無不可以形名得不可以智識知如此大衆得得到磬山來與老僧慶誕若約老僧五十年前母難之辰今日猶未生也旣未生時慶

撰述

箇什麼誕說箇什麼法可不隨情逐世了也且道不隨情不逐世一句作麼生道還委悉麼以拂子指庭前菊花云黃菊經霜老青松帶露寒若將時節會依舊是顚頽

正誕日小叅師拈拄杖云老僧去年四十九曾向人前揚家醜譚禪論道作生涯想起從前不喫嘴今年幸爾已五十對人一字無可說橫拈拄杖按乾坤那箇丈夫來受屈所以道把住也十方虛空也須喫棒放行也森羅萬象總是齊彰山僧今日也不放行也不把住聊通一線以拄杖插向前邊一匝云與諸人

一任七縱八橫去也良久卓拄杖云真金自有真金價終不和沙賣與人

啟華嚴禪期示衆師云要踏毗盧頂上行不須向外去追尋回光返照原初體着着拈來不是塵堅拂子云看大眾還見麼十方虛空無邊香水海一一世界中有千丈盧舍那身在此一毛端上現寶王刹轉大法輪打開華藏玄門演出不思議法所以道塵說刹說衆生說熾然說無間歇於此會得廻出三乘高超十地不勞覺城東畔始見文殊樓閣門開方叅慈氏脫或未然再打之遠葛藤去也若人欲識佛境界當

淨其意如虛空遠離妄想及諸取令心所向皆無礙汝等既到此間妄想不得不離意根不得不淨意根既淨妄想自離妄想既離令心所向自然無礙心既無礙左打一拂云這邊也無礙右打一拂云那邊亦無礙中間打一拂云這裏亦無礙無礙無礙亦無礙今人聞此等說話便道貪瞋癡亦無礙殺盜淫亦無礙妄言綺語亦無礙惡口兩舌亦無礙如此見解撥無因果莽莽蕩蕩他時後日閻羅老子面前打算吃鐵棒有日在莫言不道不見南嶽讓和尚初參曹溪六祖祖云什麼物恁麼來只此一轉語參承六載方

始警地曰某甲有箇會處祖云何不道云說似一物卽不中祖云還假修證不云修證則不無染污卽不得祖云卽此不染污諸佛之所護念汝旣如是吾亦如是善自護持這便是真參實悟真修實踐的樣子汝等旣到這裏當摩硯擦褲堅竪脊梁打屏身心體究一回始得古人云臨崖撒手自肯承當絕後再甦欺君不得正恁麼時直截根源一句作麼生道良久云木馬暗嘶雲影道泥牛橫臥石巖前若能坐斷千差路項刻歸家不用鞭和聲擲下拂子喝一喝晚參師拈拄杖云達磨一宗看看掃地矣賴有志者

盡力扶之何故今時大法未明而爲人師者觸着則任意揮張便道大機大用不識是何宗旨學人問着蒲團卽將蒲團打問着禪板卽將禪板打設若問着虛空你還將虛空打得麼問著山河大地還將山河大地打得麼若將不得可見大機大用不在蒲團禪板上有一等不識好惡者吞却釣餌播弄一生生死
軒頭一毫用不着諸人也須簡點古人乃謂此是風力所轉終歸敗壞不見趙州和尚有箇秀才來問佛不違衆生願是不州云是才云弟子欲就和尚手中乞取拄杖得不州云君子不奪人所好才云某甲非

君子州云老僧亦不是佛看他得的人大機大用活潑潑地優游自在老僧晚年來有些性躁也要用棒行喝但遇其人則不得不行不得不用非是貶駁諸方要且扶立宗旨作麼生是宗旨喝一喝卓拄杖云男兒自有衝天志莫向古人行處行復云今晚就水和泥趁爐打鐵也要打草驚蛇還委悉麼以拄杖罵肩達一匝云榔櫟橫擔不顧人直入千峰萬峰去直趨方丈

除歲示衆師云爆竹一聲催臘盡寒梅數點帶春來道人林下無餘事心地閒閒却似呆所以道欲識佛

性義當觀時節因緣時節既至其理自彰且如過去時節已過去未來時節猶未來現在時節而不住況此深山窮谷之中寂寥虛廓本無喧譁雜擾之聲又無朱紫玄黃之色也無笙歌燕舞之作亦無大歡小悅之娛剛剛一種灰頭土面懶散禪和卽今歷歷孤明澄心瞪目聽法者莫不是這箇時節若是這箇時節又何用更識便轉得身吐得氣喫得山僧手中痛棒若未轉得身吐得氣喫得山僧手中痛棒你若向前截斷路頭你若落後又無退身之地你若住着則三十棒到這箇時節還有不惜身命者麼須知句

中刻意意中刻句意句交馳甚爲可畏雖然官不容針私通車馬汝等入堂坐禪已經一月並無有一人到室中通箇消息都盧是一隊無心道人老僧信得汝等過汝等還信得老僧過麼若信得過莫謂無心云是道無心猶隔一重關不見藥山和尚坐禪石頭一日偶見問云汝在這裏作麼云一物不爲云不爲卽閒坐也云閒坐卽爲也汝不爲不爲箇甚麼云諸佛亦不識你看古人一箇閒坐尚不可得而況昏沉掉舉妄念紛飛者乎石頭便云從來共住不知名任運相將只麼行自古上賢猶未識造次凡流豈可明

你看石頭和尚舌頭拖地入泥入水爲人老僧今晚
爲汝等註破從來共住不知名那裏識得來任運相
將只麼行也是客作漢自古上賢猶未識難道造次
凡流豈可明不是壓良爲賤既註破還知麼若論這
一段事人人本有箇箇不無祇爲無始以來無明業
識煩惱蓋覆不得現前還見麼驀舉起拄杖云先天
有物能爲主不屬陰陽造化生久立珍重

元旦示衆師云今日元來新年頭昨日元來舊年尾
新年頭上不見來舊年尾上不見去不來不去常現
前箇裏元來無所住無所住處著眼看大千沙界一

毫許漫看春風滿面生張公喫酒李公醉更有一般
堪美處千門萬戶瞳瞳睡大家齊唱太平歌哩哩囉
今囉囉哩所以道有條攀條無條攀例大衆祝聖
壽以無疆讚皇圖而永固

元宵示衆師云一燈纔焰萬燈瑩爍破乾坤徹底空
山色自今光燦爛桃花依舊笑春風大衆剛纔過歲
又已半月流光荏苒無暫停息若是手脚未穩切宜
努力莫待臨渴掘井追悔無門要做工夫已遲了也
會得麼英靈衲子未舉先知機鉢之流不妨薦取以
拄杖指燈云看喚作燈則觸不喚作燈卽背且道喚

作什麼雲門大師道光不透脫有兩般病一切處不明面前有物是一又透得一切法空隱隱地似有箇物相似亦是光不透脫直饒恁麼不恁麼會卽聲色而非聲色不恁麼恁麼會卽非聲色而非非聲色般若經云若取法相卽著我人衆生壽者若取非法相卽著我人衆生壽者是故不應取法不應取非法到這裏無你下口處無你入頭處無你插手處無你劄腳處若佇思停機卽沒交涉矣還會麼除非上根利器一聞千悟始得不見達磨初祖遙觀震旦人有大根器得得航海而來在梁國不契直造少室端坐面壁九載剛接得箇神光二祖斷臂安心頓悟本來謂之得髓傳至六祖開心地法門然後宗分二派再四傳而派列五宗豈不是燈燈相續瑩徹交輝所以道法流不泯派承接於曹溪燈焰常存光逾明於少室老僧今晚見此世燈引這一落索若是明眼人前一場笑具可不通身輒在葛藤窠裏了也還有剔脫得出者麼良久云少林秘要無多子五派單傳不二門喝一喝

示衆舉興教坦和尚初開堂有雪竇化主省宗出問諸佛未出世人鼻孔撩天出世後爲甚麼杳無消息

80 1 2 3 4 5 6 7 8 9 90 1 2 3 4 5 6 7 8 9

100 1 2 3 4 5 6 7 8 9

息坦云雞足峰前風悄然宗云未在更道坦云大雪滿長安宗云誰人知此意令我憶南泉拂袖歸衆更不禮拜坦云興教今日失利便歸方丈坦令人請宗至云適來祇錯對一轉語人天衆前何不禮拜蓋覆却宗云大丈夫膝下有黃金爭肯禮拜無眼長老坦云我別有話在宗乃理前問至未在更道處坦云我有三十棒寄汝打雪竇宗乃禮拜師云你看古人真實處無有一字相欺若是今時善知識權柄在手不辨來機要施設到底那肯屈尊就下若是今時學者出頭來硬作主宰到底亦未肯服善你看坦長老從容和雅云適來祇錯對一轉語且道作麼生是他錯處省宗不肯後云寄三十棒打雪竇雪竇又有何過省宗便肯禮拜這裏若看得分曉許你們通箇消息一衆呈見不輟師復云學道先須達本後識綱宗綱宗既明其本自立既得其本道隨手應所以道從天降下則貧窮從地湧出則富貴若道見過古人田地祇好與古人提瓶執杖若道見到古人田地祇好與今人提瓶執杖若未見到者更參二十年始得何故卓拄杖云選佛若無如是手宗門那得到如今左右顧視云有麼有麼如無老僧且去守困便曳杖出堂

80 1 2 3 4 5 6 7 8 9 90 1 2 3 4 5 6 7 8 9 100

因事示衆師云諸方難見而易親老僧這裏易見而難親何故諸方善知識道眼高福德大叢林整齊飲食精潔可謂難見而易親也老僧這裏世緣淺薄闢草開荒茶粗飯糲可謂易見而難親也難得親近難中之難雪裏送炭者少易得親近易中之易錦上添花者多左右顧視云衆中還有道得不難不易一句者麼驀卓拄杖云拄杖子勃跳出來道也不難也不易清風明月共知音天上人間隨所去師復笑云不然不然老僧還要用著你曳拄杖便歸方丈

小參師云今辰二月十九菩薩應身普救人人要證

圓通打破無明窠臼舉拂子云觀音妙智力能救世間苦復打一下云還聞麼如若不聞除是生來耳如若聞又聞箇什麼來雲門大師道觀音菩薩將錢買胡餅放下手原來是餛頭山僧這裏也無胡餅也無餛頭且道大眾吃箇什麼今日周沙彌爲伊師設供補慶乞老僧說箇小參仰勞大眾誦一無量壽真言爛熳紅且喜闍黎實頭處長年相伴老龍鍾
陽山靜室衆請晚參師云日瞪雲霄第一峰端居無事萬緣空無生曲調從君和不落閒忙動靜中既不

落閒忙動靜且道在什麼處大衆驕卓拄杖云莫不
落在這裏還會得麼你若會得卽便言下知歸若未
會得現前若僧若俗若老若少波波汲汲徒上此山
枉受辛苦不如參箇古人話頭以悟爲期昔我禹門
堂上幻有老人慣教人參如何是我父母未生前本
來面目汝等須是行也參坐也參語默動靜參迎賓
待客參做買做賣參穿衣吃饭參屙屎放尿參莫管
一年兩年十年二十年一參參到無參處忽然因地
一聲使得這箇消息所以道參須真參悟須實悟雖
然古人云十方世界是沙門一隻眼且道眼在甚麼

處良久云老僧今晚爲汝諸人點出去也看以拄杖
指佛前燈云智燈常焰焰晝夜永明明擲拄杖便休
去

烏瞻山衆請小參師云摩竭令行傳千古而今拈出
又重新燦迦羅眼猶難覩試問當機有幾人良久云
南贍部州打鼓北俱盧州陞座西牛賀州說法東勝
神州參堂且道說什麼法諸人還聞麼若聞對衆證
舉未聞切忌作驢前馬後漢認奴作郎古人道參禪
都是病病在耳目者擰眉努目側耳點頭爲禪病在
口舌者顛言倒語胡喝亂喝爲禪病在手足者進前

退後指東劃西爲禪病在心腹者窮玄究妙超情離見爲禪據彼所論無非是病所以道涅槃心易曉差別智難明芭蕉和尚云你有拄杖子我與你拄杖子你無拄杖子我奪你拄杖子又有尊宿云你有拄杖子我奪你拄杖子你無拄杖子我與你拄杖子磬山則不然你有拄杖子我不奪你拄杖子你無拄杖子我不與你拄杖子諸人還會得麼若會得從你高高峰頂盤結草庵把定牢關不通凡聖又從你入草求人帶水拖泥現佛現魔隨方應用你若未會切忌動著動著則老僧三十棒卓拄杖復偈云問答須教識

主賓休迷事理亂君臣一言失照無憑據萬行全乖喪本真舉起吹毛當面截枯推塗毒絕根塵果然佛日重懸處相播玄風憶少林

薦亡小參師云百歲光陰瞬息回幾人到此不會欺貪名圖利心無厭逐色隨聲意轉迷生死岸頭方有悔輪迴路上更多疑如來金口分明諭地獄天堂任爾之今日乃溫氏薦亡道場完滿乞老僧對衆舉揚無生之旨不免說幾句現成說話妙性圓明離諸名相本來無有世界衆生因妄有生因生有滅生滅名妄滅妄名真葛豎起拂子云喫還見麼離諸名相又

見箇什麼若道不見妙性圓明何處安著這裏會得
便識得愛溪居士安身立命處識得愛溪安身立命
處便識得自己安身立命處識得自己安身立命處
卽識得從上諸佛諸祖安身立命處所以生本無生
滅本無滅居士六十歲未生已前本來面目還見麼
所以中論云已生無有生未生亦無生離已生未生
生時亦無生六十歲死已後已死無有死未死亦無
死離已死未死死時亦無死諸人若會得對衆拈出
老僧與你證據若未會各各珍重叅取去

聖果

解華嚴禪期小叅師云說甚長期與短期自家面目

自家知坐叅五十三員老樓閣門開彈指時卓拄杖
云吽大開了也諸人還覺毛寒骨豎麼出亦得入亦
得雖然如是且道門在甚麼處還見麼如此見得無
論開卷便退者終卷而退者一部而退者半部而退
者一年而退者年餘而退者兩年而退者三年滿而
終者一任七縱八橫逍遙自在故經云心同虛空界
示等虛空法證得虛空時無是無非法你若這裏未
見得徹從你三年期滿而終者兩年不足而退者半
部一部乃至一卷半卷而退者總不得可謂當面蹉
却所以道如人數他實終無半錢分於法不修行多

撰述

聞亦如是不見白雲端祖云若得一回汗出一莖草現出瓊樓玉殿未得一回汗出瓊樓玉殿却被一莖草蓋覆諸人還曾一回汗出也未若未得一回汗出切忌顚頂卓拄杖云雪後始知松柏操事難方見丈夫心

示衆師云諸人旣流入心地法門必須向已躬下真實做工夫叅究一回始得不可依依稀稀當有當無如患瘡疾病一般今日提起便心中火急明日放下卽緩縱身心惟恐色力不佳病魔纏擾又慮衣食不周貧窮困苦且幹辦些世事調養個四大漫漫學道殊不知恁麼去總然有怕生死底念不覺埋沒塵勞被結習驅使這等根器都是無始以來信位不足如何叅得我祖師禪驢年也未有出頭日子在你若果具這大丈夫氣槩猛省將來拚此四大也不管貧窮困苦也不管饑寒凍餒也不管病魔纏擾也不管世諦紛紜單單提箇話頭澄澄湛湛切切思思行也叅坐也叅住也叅臥也叅不顧得失危亡不知迷悟境界只如此挨拶去歲久月深驀然打失鼻孔恰如虛空粉碎天地平沉漫漫甦醒將來方有少分相應到這田地急急見人不可耽著須知祖師門下本無有

80 1 2 3 4 5 6 7 8 9 90 1 2 3 4 5 6 7 8 9 100

實法繫累他人若有一法繫累他人入地獄如箭射故笑巖師翁云聖人之道箇箇完具惟不自究明甘自輕棄且道那裏是自輕棄處須時時簡點不可放過珍重珍重
 優婆夷衆請開示師云汝等身居富貴中不被富貴之所羅籠信知有這段出世大事乃是屢刼種來善根最是難得須當十二時中猛省提撕如何是我父母未生前本來面目須要治家接應世緣處支賓待客處著衣吃飯處忙閒動靜處驅奴使婢處一一體究不可放過直下能見得本來便識得妙明常住真

心不生不滅不常不斷無老無少無去無來非古非今非成非壞自然超出苦海今時人落在富貴卽被富貴之所籠罩落在貧賤卽被貧賤之所困苦不能卽世出世故經云一切衆生皆由不知性淨明體用諸妄想此想不眞故有輪轉若不勇猛做一番工夫要解脫修行誠未有日子在昔日有箇無著道人二十七八寡居學道曾參叩徑山打硬修行志氣超羣見地卓犖以至大徹然後爲尼播揚宗教接物利生豈不是出格道人也彼旣如是我寧不爾你們若待家園事業成辦然後修行則便耽閑埋沒已靈不知

三界空花猶如火宅豈可認定家園事業而爲已有耶一息不來就屬後世切莫爲長久之計山僧在此開山修造多不過接引之辭又豈可作永遠之念耶汝等若信得及各各須念無常迅速生死事大須自提撕這句話頭以悟爲期便是出生死之根本二六時中切不可忽趙州和尚道我在南方三十年除二時粥飯是我雜用心處如此用功無有不發明者努力珍重

示衆師云鼓唱宗乘提挈綱要切須是箇人始得憶昔當時僧問巴陵如何是提婆宗陵云銀椀裏盛雪將來恁麼得非是箇本色上流脫略情塵知見者如何奏泊得去到這裏還知古人落處麼喎不見道道吾舞笏同人會石葦彎弓作者諳

示衆師云德山棒躰濟喝特地無端好施設石葦箭子湖狗也沒來由呈家醜何故看保寧上堂侍者燒香罷指侍者云侍者已爲諸人說法了也然則保寧說法如雷也是借他鼻孔出氣何不當時待侍者未

撰述

燒香時道箇爲諸人說法了也免使後人在侍者邊覓山僧今日無侍者與諸人說還知麼喫男兒自有衝天志莫向古人行處行

病起示衆師云剛纔過月半又是初一矣老僧病軀不能應時及節與諸人商量佛法若論此事如百斤擔子各各擔着到得地頭方始輕快不得依依稀稀打混過日若是久參先學舉起便知落處晚進初機切須努力諸仁者趁此時將本分事與老僧證據良久顧左右云去罷

示衆舉愚庵禪師一日入園見典座割瓜庵問刈得

幾箇祖師頭座云三十箇庵云那箇皮下有血座云和尚何得重重相戲庵云好心不得好報師拈云若作佛法商量愚庵好與三十棒若作世諦戲論典座好與三十棒除此二途諸人道將一句來
懸鐘小參師云懸起也名喧宇宙遐邇安寧撞着也響應寰區幽冥拯拔恁麼則名從何得聲從何來名不自名聲不自聲聲若自聲不待撞而自鳴名若自名不待鑄而自成既然如是其名也聲也都從檀越信心中流出諸人還知麼咄但將眼聽分明也徧界何會有覆藏

撰述

卷三

三

示衆舉世尊將諸聖衆往第六天說大集經敕他方此土人間天上一切獐惡鬼神悉皆集會受佛付囑擁護正法師云大小世尊憐兒不覺醜設有不赴者四天門王飛熱鐵輪追之令集何必既集會已無有不順佛敕者各發弘誓擁護正法以德服人惟有一魔王謂世尊云瞿曇我待一切衆生成佛盡衆生界空無有衆生名字我乃發菩提心山僧若作世尊咄云魔王你而今在衆生界內耶衆生界外耶若在衆生界外不見有一衆生當發菩提心若在衆生界內已發菩提心了也到遮裏看他如何合殺即今諸人

還識得遮老魔王落處麼良久云更爲諸人頌出遮箇魔王能大力衆生界盡始方修須知逆順承恩德風捲殘雲一色秋

小叅師云今朝六月十九菩薩應身普救大開圓通法門不落聲色窠臼驀豎起拄杖云大衆遮是色還見麼卓一卓云遮是聲還聞麼若見若聞如何是不落窠臼一句顧視左右云觀音菩薩將錢買糊餅放下手元來是餛頭還知落處麼若不知落處觀音菩薩隱拄杖裏入千峰萬峰去也喝一喝

示衆舉天台寒山子預知鴻山來國清受戒遂與拾

撰述

得往松門接鴻山纔到二人藏路兩邊透出作大蟲
吼三聲鴻山屹然無對師代云一名是箇老賊寒山
云自從靈山一別迄至於今還相記麼鴻山無對代
云忘却了也拾得拈起拄杖云老兄喚遮箇作什麼
鴻山無對代云也知你用得熟寒山云休休不用問
他從別後三生做國王來總忘却也鴻山又無對代
云老僧住持事煩復頌往往志因貧處得從教古佛
要精修三生已落王家也不是鴻山怎出頭

示衆師云今朝七月一箇事如何說秋風漸漸來切
莫耽放逸日月易蹉跎光陰在瞬息若不把本叅焉
能得竟徹敢問諸人臘月三十日到來作麼生打疊
得去顧視左右云噫丈夫不奮冲天志依舊懶懶過
一生

示衆舉僧問雲峰如何是心地法門峰云不從人得
僧云不從人得時如何峰云此去衡陽不遠妙喜云
雲門卽不然如何是心地法門不從人得不從人得
時如何看脚下楚石云或問天寧如何是心地法門
不從人得不從人得時如何早晨有粥齋時有飯師
云諸大老恁麼答話美則美矣善則未善若問磬山
如何是心地法門不從人得不從人得時如何如人

撰述

飲水冷煖自知
示衆師拈拄杖云今日七月半農夫禾好看你我衲僧家以何爲公驗秋風一陣來黃葉兩三片凋殘功德林石人也驚歎既然如是各各須教照顧鼻孔切忌漫將閒學解依稀埋沒祖師心擲下拄杖

示衆舉僧問五祖如何是佛祖云露賀跣足如何是法云大赦不放如何是僧云釣魚船上謝三郎妙喜云此三轉語一轉具三玄三要四料簡四賓主洞山五位雲門三句百千法門無量妙義若人揀得許你具一隻眼楚石云三玄三要四料簡四賓主洞山五位雲門三句百千法門無量妙義大似頭上安頭天寧今日爲你諸人抽却釘拔却楔做箇灑落落落地丈夫兒豈不好何故喫他殘羹餽飯隨他脚後跟轉被他喚作無地頭漢慚惶殺人師云二大老一人高高山頂立一人深深海底行雖然如是還會踏得五祖老人三句話着也未據磬山看來總是無地頭漢何故從前汗馬無人識祇要重論蓋代功示衆舉密庵傑禪師上堂拈金峰和尚示衆云老僧二十年前有老婆心二十年後無老婆心時有僧問如何是和尚二十年前有老婆心峰云問凡答凡問

撰述

天台和諭錄卷三

三三

聖答聖曰如何是二十年後無老婆心峰云問凡不答凡問聖不答聖庵云烏巨當時若見但冷笑兩聲這老漢忽若瞽地自然不墮凡聖窠臼師云某當時若在烏巨位中則把住問那裏有聖凡窠臼見他眼目定動便托開呵呵大笑歸衆這也是山僧路見不平今日衆中還有人知得落處麼若知得落處不妨出衆證據如無一總不離凡聖窠臼在叅

禹門院入塔小叅師云靈源寂寂本無去而無來智慧如如現有生而有滅生卽不生故來而無來滅卽不滅故去而無去來而無來故不來相而來湛若太

虛而無際萬象不能逃其形去而無去故不去相而去明如杲日以當空森羅不能遺其照所以亘古今而常存昭然獨脫根塵之外者也既然如是生亦得死亦得少亦得老亦得大亦得小亦得凡亦得聖亦得都盧歸向箇中安享無爲之化到這裏收因結果一句作麼生道鶩呈拄杖云雲飛不斷青山靜水到無邊滄海閒

撰述

天台和諭錄卷之三

三十四

同處寤者亦應不得聞。聞性若徧寤者亦當得聞。何以寤時聞寐時不聞。若融會得寤寐一如。若融會不得生死關頭如何打脫。不可放過諸人。簡點看因事開示師云。有志學道者必須決擇。師承發明心地爲要。宜當竭力曲盡師法深蓄厚養。然後隨緣闡化。不拘方所。若在學地中。師承不擇邪正。難分迷流逐隊。妄認緣塵大法。不明心地。何達。或者初發心時。不知歸向。三年兩載。從而聞之。漸漸慕之。憤然發志。腰包行脚。撥草瞻風趣。造林下依棲知識。排入上輩。固爲道念。非求各位只欲幹辦本分一着而已。原無薦上之心。況有人我見耶。然處稠人廣衆之中。其間有先出家而名位卑下者。有年少而先具戒者。有年長而未具戒者。不可以尊卑之位。忽先後之分。況此法門本來平等。若識心達本當下。與佛祖不別。豈可持其先後執着。名分妄爭。人我徒喪光陰。諸人要幹辦大事。畢竟行履無有一毫自欺處。纔不孤行脚之初心矣。他日甚有得力。決不相賺。開示今時人。學道做工夫。不得因地。一聲槩爲工夫。不能縝密。凡情聖解。不得頓忘。古人所謂如患瘧疾。一般寒了一會。又熱一會。何曾下正片工夫。若是真

參實究生死心切一刻不放空挨拶將去日久月深無有不悟底道理只恐當有當無今日期明日今年期來年蹉跎過了一生恁麼蹉跎去直至彌勒下生甘受苦辛何有出頭日子不如言下截斷一切單單只究本分一着果乃親見一回從前學解底都不虛棄若未親見一回總爲閒學解埋沒祖師心

因事茶話師云古人設茶因敘話磬山因話而設茶茶話分明已舉似諸人切莫得周遮雖然且道茶與話是一是二若道是一諸人但得茶不得話若道是二老僧但得話不得茶諸人試道看如何得恰好衆無語師舉茶甌云且吃茶漫漫與你們打葛藤禹門院茶話師云吾於此地本來無福不勞衆兄弟讚歎倘若讚之讚之無益吾於此地本來無過不用衆兄弟毀謗設若毀之毀之不及旣讚之無益毀之不及豈非平等法門乎夫佛與衆生平等煩惱與菩提平等西方與東土平等天與地平等我與你平等平等與不平等平等噫白日易遷顏色老黃金難買少年還

天隱和尚語錄卷三 終

撰述

又問不許借卷三

哉州紫雲山常住不許借

天隱和尚語錄卷四

嗣法門人通問等編

荆溪磬山語錄之二

示衆師云截徑一路見在目前正道玄微意超言外
物物就手事理藏鋒諸人還知落處麼不見當時汾
陽老人採菊謂衆曰金花布地玉蓋承天果日當空
乾坤朗耀雲騰致雨露結爲霜不傷物義道將一句
來還有道得底麼若道不得眼中有屑直須出却始
得師云其時不肖遠孫若在但云覓火和烟得擔泉
帶月歸他道風穴云若立一塵國家興盛野老嘵感

撰述

一
卷四

天門和尚語錄卷四

不立一座國家喪亡野老安貼於此明去閻黎無分
全是老僧師云縱奪由你不得壓良爲賤爭奈賓中
有主於此不明老僧卽是閻黎師云殺活聽憑且不
得自起自倒爭奈主中有賓閻黎與老僧亦能悟却
天下人亦能瞎却天下人師云全放由你也不得作
憨爭奈賓中賓在要知閻黎與老僧麼拊其兩膝曰
這裏是閻黎這裏是老僧師云全收由你切不得教
壞人家男女爭奈主中主在且問諸上座老僧與閻
黎是同是別若道是同去上座自上座老僧自老僧
若道是別去又道老僧卽是閻黎師云分亦憑你不
分亦憑你募拈拄杖云只是不得忘却這箇諸人又
作麼生會若能於此明得去一句中有三玄三要賓
主歷然平生事辦叅尋事畢師云諸人還識得這一
句麼卓拄杖喝一喝云諸人還見徹三玄麼以拄杖
點空喝云諸人還要會三要麼以拄杖於空畫①
○中喝云所以永嘉大師道粉骨碎身未足酬一句
了然超百億老僧舉到這裏一件要緊事不得與諸
人再打葛藤左右顧視云看看汾陽老人來也不待
作禮速歸方丈

示衆舉楚石禪師上堂通身是眼爲什麼覩不見通

身是耳爲什麼聽不聞通身是口爲什麼說不到通
身是心爲什麼鑒不出報恩有道聰明神呪布施諸
人去也師云且道通身既然是眼那裏得見耳來通
身既然是耳那裏得見口來通身既然是心那裏得
見眼耳身口來諸人到這裏須自簡點看磬山說得
是報恩卽不是報恩說得是磬山卽不是雖然直饒
你覩得聽得說得鑒得已落第二頭了也復云參
除夜小參僧問昨日萬山松今朝千嶺雪一色本同
真俄爾成差別如何不是差別法師云當爐不避火
僧云古人烹露地牛與衆分歲今日磬山以何分歲

師云舉意便知有僧禮拜云恁麼則謝恩無盡師便
喝僧拂袖歸衆又僧問燈燈續燄祖祖聯芳濟上一
宗至今猶在未審阿誰分中事師高聲云道甚麼僧
便喝師便打僧又喝師亦喝僧禮拜歸衆師乃云老
漢居山三十年未曾輕舉到人間只因諸子尋蹤跡
不肯模糊放過關大眾今夜大盡佛法無剩祖印全
提要行正令若向壁立萬仞處腦後一槌百尺竿頭
時脚跟下鏟適纔二上座不顧危亡得失抑揚酬唱
諸人還知麼若也未知不可影影遑遑依稀稀多
知多見埋沒自己一段大事老僧說到這裏忽記得

撰述

卷之三

三

雲門大師道盡乾坤大地無有纖毫過患只爲轉物
 不見一法猶是半提若到這裏更須知有全提時節
 且道那箇是全提時節不見臨濟大師道大凡演唱
 宗乘一句中須具三玄門一玄門須具三要有權有
 實有照有用今時有等杜撰長老以玄爲權以要爲
 實定言前爲照後爲用咄你還曾夢見我臨濟大師
 汗臭氣麼他明明向你道有時先照後用有時先用
 後照有時照用同時有時照用不同時先照後用有
 人在先用後照有法在照用同時驅耕夫之牛奪饑
 人之食敲骨打髓痛下針錐照用不同時有問有答

立主立賓合水和泥應機接物若是過量人向未舉
 時撩起便行猶較些子所以汾陽老人云三玄三要
 事難分得意忘言道易親一句明明該萬象重陽九
 日菊花新此頌正治這般病所謂醍醐上味爲世所
 珍遇此等人翻成毒藥諸人還知落處麼若知落處
 便知磬山落處若知磬山落處便知古人落處若識
 得古人落處便知杜撰錯處老僧今晚有箇頌子白
 拈手段在當場不是英靈孰敢當裂石崩崖休側耳
 奔雷掣電豈容商小根魔子何堪諭無智狂徒益轉
 茫今日老人親說破從教千古不磨揚喝一喝且道

撰述

方正不言金石口

依時及節一句又作麼生道良久云殘燈小案臘方
盡爆竹一聲春已回卓拄杖云珍重

歲旦示衆林臯問玉綻梅花分幾樹和風陣陣送香
來新年頭佛法卽不問如何是三寶堂前祝聖底句
師云天長地久進云恁麼則垂衣王化裏打鼓樂昇
平師云誰是知音者進云官不容針私通車馬時如
何師云試道看進云白毫宛轉交光相青髻盤螺滿
月輝如何是佛師以拂子打圓相進云玉軸未分三
獸別金函纔展大車歸如何是法師據座而坐進云
七尺單前知默坐一瓢方外任閒遊如何是僧師云

且過一邊着進云三寶已蒙師指示宗乘的旨是何
宣師以脚踢云一脚踢過進云旃檀林內曾遊戲踏
轉崑崙作象騎如何是向上爲人句師云日月齊明
進云歸猿攀得枝頭月去鳥衝開石上雲師云少賣
弄僧禮拜歸衆師祝云皇圖永固帝道遐昌佛日增
輝法輪常轉作麼生是轉法輪底句適纔這些問答
你道還報得皇恩佛恩也無知麼喝一喝不見臨濟
大師道我有時奪人不奪境有時奪境不奪人有時
人境俱奪有時人境俱不奪且道老僧這一喝是奪
人耶奪境耶是人境俱奪耶人境俱不奪耶若道奪

人人人鼻孔撩天若道奪境物物融通亨泰若道人
境俱奪爭奈滿面春風若道人境俱不奪老僧且拈
向一邊如何是奪人奪人則不問如何是奪境奪境
則不問如何是人境俱奪人境俱奪則不問且道人
境不奪一句作麼生道良久以拂子作書勢云歲朝
把筆百事大吉以拂子抛向後便出法堂

示衆舉泰首座到洞山值吃菓子洞山云有一物上
挂天下挂地黑律漆常在動用中動用中收不得未
審過在什麼處泰云過在動用中洞山令人掇退菓
桌佛果圓悟云天下衲僧盡道泰首座箭鋒不相挂
所以遭洞山貶刹後來鴻山真如道此菓子莫道泰
首座不得喫三世諸佛也不敢正眼覩着宗師家正
令當行十方坐斷有定乾坤句辨龍蛇眼不妨難趁
當時若是英靈衲子解捋虎鬚待他道過在什麼處
便拈起菓子云和尚畢竟喫作甚麼待他擬議劈面
便擲師云二大老一人雖扶弱且未得菓子喫在一
人雖太甚而有過人之志亦未得菓子喫磬山則不
然待洞山道過在什麼處但云有過無過且置隨聲
拈起云和尚先得了也便喫可不有意氣時添意氣
不風流處也風流

示衆舉琅琊和尚問舉和尚近離甚處舉云兩浙船來陸來云船來船在什麼處云步下不涉程途一句作麼生道舉以坐具搢一搢云杜撰長老如麻似粟便拂袖而出瑤琊問侍者此是甚麼人云舉上座琅琊遂親下旦過堂問莫是舉上座麼莫怪適來相觸忤舉便喝復問長老何時到汾陽瑤云某時到舉云我在浙江早聞你名元來見解只如此何得名播寰宇琅琊遂作禮云慧覺罪過師云大衆凡看古今公案先須得句而後知義義句昭然意趣深解若脫略言句其義不全得失難辨其間擒縱殺活抑揚收放何從而得之也老僧閱古尊宿集舉和尚錄中刪去以坐具搢一搢慧覺罪過句豈非集者自失一隻眼也且妙喜分眞道賓則始終賓主則始終主二大士驀劄相逢主賓互換直下發明臨濟心髓苟非徹證向上巴鼻具出常情正眼未免作得失論量今日衆中莫有爲琅琊出氣者麼衆無語師遂高聲唱頌云虎踞龍蟠展大機當陽坐着不思議就中各顯藏鋒句惹得時人取次疑

斷卦

示衆舉玄沙云諸方老宿盡道接物利生或遇三種病人來作麼生接患盲者拈槌豎拂他又不見患聾

撰述

方廣和尚語卷四

七

者語言三昧他又不聞患啞者教伊說又說不得且作麼生接若接此人不得佛法無靈驗有僧請益雲門門云你禮拜著僧禮拜起門以拄杖拄僧退後門云你不是患盲復喚近前僧近前門云你不是患聾乃豎起拄杖云還會麼僧云不會門云你不是患瘧其僧於此悟去師拈云玄沙老人可謂善說未能善接雲門大師如此接人也只接得無三種病底漢果實有三種病人來又如何接若到磬山門下來也不難何故如患盲者來高聲向他道個瞎若患聾者來劈脊便棒若患瘧者來便以拂子打圓相示之今日

還有三種病底麼良久云如無老僧今日失利示衆拈拄杖云老僧有時拈拄杖子不作拄杖子用有時拈拄杖子作拄杖子用老僧有時以拄杖子行遍四天下擲向壁角落裏有時老僧丢下拄杖子獨自打頓去也諸人這裏見得便乃會得我臨濟大師底賓中主主中賓賓中賓主中主雖然切不得動着動着一字打你頭破腦裂莫言不道卓拄杖便歸方丈

望日示衆師云剛纔過初一又是月半了也諸人作麼生會若也會得出來與老僧通箇消息衆無語師

撰述

天朝志

遂出堂左右顧云天晴日頭出
 示衆垂鉤四海只釣犧龍獨步大方爲尋知已賓中
 有主豈肯倚戶傍門主中有賓不用撒沙撒土賓主
 互換縱奪交馳各有坐斷之機着着有出身之路
 誰是恁麼人行恁麼事大衆看舉慈明和尚見泉大
 道來乃云片雲橫谷口道人何處來泉左右顧視云
 夜來何處火燒出古人墳明云未在更道泉作虎聲
 明以坐具一撼泉接住推明向禪床明却作虎聲泉
 大笑云我見七十餘員善知識今日始遇作家師云
 你看他二大老驀劄相逢正所謂獅子遊行象王踞
 地全機出沒大用現前諸人還識得麼若也識得不
 假如之若何便請單刀直入其或未然盲龜跛鰐豈
 堪克紹老僧更有箇頌子諸人聽取二虎爭雄猛作
 威爪牙全露震崔嵬同音哮吼驚群獸千古傳聞似
 怒雷休眨眼電光回濟下兒孫烜赫兮不是等閒相
 共語漫將狐兔亂真規

示衆舉巴陵云祖師道不是風動不是幡動既不是
 風幡向甚麼處着有人與祖師作主出來與巴陵相
 見雪竇云風動幡動既是風幡向什麼處着有人與
 巴陵作主出來與雪竇相見師拈云雪竇老漢也是

依樣畫貓兒今日有人出來爲伊作主山僧放伊三十棒

佛誕日示衆師云今朝四月八處處叢林浴悉達人
人盡道報佛恩惟是磬山心未洽試問諸人報恩一
句作麼生道一僧出云橫按鎮鄧全正令太平寰宇
斬癡頑師云也則道得一半進云請和尚全道師云
一人有慶兆民賴之僧禮拜云謝和尚答話師云乾
坤着眼看幾箇知恩者復舉隨州關子嶺無聞聰禪
師有僧問云今朝四月八天下叢林皆慶佛誕未審
如來何處降生聞於几上畫個圓相僧無語笑嚴和

尚代僧作禮云盡界普瞻師云今日有人問着老僧
如來何處降生則向伊道休瞌睡復頌云古佛重興
關子嶺拈花旨趣笑嚴酬磬山今日無思算兀坐雲
深白了頭

示衆舉歸宗文禪師上堂云日往月來大盡小盡生
死漸近大眾總是祖師門下客須知生死不相關且
道歸宗與麼說話還有過也無良久云父母不聽不得
得出家師云這老漢前言不應後語既是祖師門下
客又道箇父母不聽不得出家且作麼生會若道歸
宗說得是磬山卽不是又落在歸宗手裏若道磬山

撰述

元祐釋智果參同錄

說得是歸宗卽不是又落在磬山手裏諸人又如何
透過復云且作麼生是諸人底父母試道看衆無語
師云老僧與諸人頌出自家父母自家知認得分明
不是伊暑往寒來經幾劫灼然寸步不曾離了知生
死不相關擬議之間面隔山若是祖師門下客橫吹
鐵笛汨羅灣

示衆師云今朝四月半農家秧好看堪笑懶禪和一
事無可斷開了兩片皮只是粥飯罐道眼不能明闇
羅要打算

示衆舉玄沙禪師一日集衆將拄杖一時趨下却回

向侍者道我今日作得一解險入地獄如箭射者曰
喜得和尚再復入人身翠巖芝云大小玄沙前不構村
後不至店且作麼生道得出身之路道吾真云大小
芝老只是偏枯若是道吾卽不然玄沙侍者一人具
一隻眼雲居舜云此語衆中舉得爛如泥且作麼生
會山僧道侍者不在言也玄沙也是荆棘裏求梅檀
東禪觀云大小玄沙性命在侍者手裏師云觀此四
大老批判有稱強處有扶弱處有評論處有見的處
若有人簡點得出許他具雙眼圓明其或未然切忌
作得失論量若作得失論量入地獄如箭射

80 1 2 3 4 5 6 7 8 9 90 1 2 3 4 5 6 7 8 9

100 1 2 3 4 5 6 7 8 9

撰述

晚叅師一日蓦地入堂一喝衆駭然無語師周匝四顧而出次晚集衆云老僧昨晚立在萬仞崖頭命如懸絲爲接汝等老僧今晚用婆婆禪亦要接汝等復喝一喝云且道今日這一喝與昨日這一喝是同耶是異耶不同耶不異耶汝等若會得出衆向前道來看老僧爲你證據一僧出纔禮拜師劈脊便棒僧起師震聲云速道速道僧擬議師復打僧退步師卓拄杖云瞎漢乃云不見臨濟大師道我有時一喝如金剛王寶劍有時一喝如踞地師子有時一喝如探竿影草有時一喝不作一喝用師喝一喝云且道這一

喝是金剛王寶劍耶是踞地師子耶是探竿影草耶是一喝不作一喝用鞭若會得方作得我臨濟門下兒孫若會不得切忌亂統以拄杖旋風打散

示衆師云北山人喫飯南山人種田不知具何義蓑笠笑烟巒風雨共施設雲月漫相瞻更有一般奇特事嘯殺峰頭野老猿示衆舉宗門有四種藏鋒初曰就理次曰就事至於理事俱藏則曰入就俱不涉理事則曰出就師云就理就事理事俱就則謂之藏可也理事俱不涉謂之藏未可也且道這一藏如何着得語諸人試道看衆

撰述

天正不二言金文

無語師自代云三脚蝦蟆飛上天復示頌云氣吞佛祖定乾坤出就藏鋒斷命根昨夜泥牛曾哮吼今朝絕跡到荒村

示衆師云今朝五月五騎却艾虎街頭舞驀然撞着桃符神打落鍾馗手中小鬼鼓笑殺傍觀一箇人喫了菖蒲雄黃燒酒沿街吐且道磬山清衆又如何諸人試道一句看山茨進云穿衣喫飯隨時過嘯月吟風只自知箬庵進云寒衣送却知時節蛇鬼潛形避鎧鄒師云一箇隨時意賞一箇諳節言行老僧亦有一句子無錢買粽子剛把貧來訴

示衆舉馬祖令人馳書併醬二甕送與百丈丈令排向法堂前乃上堂衆纔集百丈以拄杖指醬甕云道得卽不打破道不得卽打破衆無語百丈便打破歸方丈師云老僧當時若在衆中管取大衆沾恩亦不使百丈失利待他道道得卽不打破道不得卽打破但出衆抗聲云喚典座來快擡將去雖然也作死馬醫也老僧更爲諸人頌出堪嗟一衆是疑團打破從教仔細看若得磬山當座下林間貼貼地相安

衲日師禮佛後登法堂大衆作禮畢師云磬山阿裏有兩箇小老虎昨日老僧被他截住却在三家村裏

躲過你們出出入入切須仔細隨顧左右云且喜不露爪牙便歸方丈

示衆師云今時有一等不識好惡口稱爲臨濟門下兒孫妄判先宗以死殺法定要把冬瓜印子印人不知我從上臨濟嫡脈作略奪饑人之食驅耕夫之牛何曾有實法繫累人耶不見廓侍者臨華嚴和尚上堂云大眾今日若是臨濟德山高亭大愚鳥窠船子兒孫不用如何若何便請單刀直入華嚴與汝證據廓出衆禮拜起便喝嚴亦喝廓又喝嚴亦喝廓禮拜起云大眾看這老漢一場敗闕又喝一喝拍手歸衆

嚴下座歸方丈時風穴作維那上去問訊嚴云維那汝來也叵耐守廓適來把老僧扭捏一上待集衆打一頓趕出穴云趕他遲了也自是和尚言過他是臨濟下兒孫本分恁麼嚴方息怒穴下來舉似廓廓云你着甚來由勸這漢我未問前早要棒喫得我話行如今不打搭却我這話也穴云雖然如是已遍天下也師云汝等還會得麼若會得便知我臨濟兒孫作略若不會老僧與諸人頌出頌云賓則賓今主則主兩陣交鋒貴無住賓家作主主家賓却被傍人冷眼覲咄咄咄臨濟兒孫真箇毒言中有響破重圍千古

萬古遺相偈

示衆舉古人道幽鳥語如簧柳垂金線長烟收山谷
 靜風送杏花香永日瀟然坐澄心萬慮忘欲言言不及林下好商量師云旣言之不及又商量箇什麼若道有商量古人恁麼道若道無商量古人恁麼道諸人且作麼生良久云薰風自南來殿角生微涼示衆舉鄧峰永庵主問僧審奇云汝久不見何所爲師着語云探竿影草奇云近見偉藏主有箇安樂處永云試舉似我奇因叙其所得着語云露水云汝是偉未是着語云明賞暗罰翻其窠臼奇莫測歸語偉着語云傳言送語漢偉大笑云汝非永不非也着語云面赤不如語直奇走質于積翠南禪師南亦大笑着語云君子千里同風永聞作偈云明暗相參殺活機大人境界普賢知同條生不同條歎笑倒庵中老古錐覺範洪禪師云觀其語言想見當時法喜遊戲之逸韻使永公施於今則其取詬辱必矣着語云範老可謂知言矣復云老僧觀諸大老如播弄摩尼珠各各見其本色光明透露爭奈奇公卽珠何能得覩本色耶老僧已爲諸人註破衆中還有不了者麼良久云更聽老僧一頌偉哉永哉說是說非兩口一舌

就高作低積翠重巖走殺伊笑中何似刃相持復顧
山茨云你還爲這僧代得一轉語麼茨云請和尚問
師云汝久不見何所爲云只向道菴主那裏瞌睡來
師云他便掌是如何云震聲一喝師云喝後如何云
大地平沉師云也只道得一半云和尚又如何師云
干戈永息茨禮拜

一日因衆議論德山托鉢因緣師乃云且住諸人還
知趙州當時問南泉離四句絕百非請師道泉便歸
方丈州云者老漢尋常口吧吧地不消一問諸人若
識得南泉歸方丈便識得德山低頭處復喝云諸人

會則便會傍家走甚麼瞎漢一時以拄杖趁散

示衆舉雲門大師纔上堂云雪上加霜便下座師云
你看這老漢通身是口只是不識身子藏在什麼處
諸人下一轉語與雲門老人相見麼良久頌云韶陽
領衆不辭勞金屑明明着眼稍到得文場擬題目手
中失却筆頭刀

中秋月下示衆師云諸方叢叢簇簇這裏清清淡淡
若向清清淡淡中會得便入叢叢簇簇不妨若向叢
叢簇簇處會得直到清清淡淡始得只如不清清不
淡淡不叢叢不簇簇又作麼生良久云天上一輪玉

撰述

了因未了言金光口

清光何處無復云諸行者人人真心獨朗比如秋月圓明廻因雲霧氤氳不得光明透露如人根塵相對便有三六一十八界纏縛不得自由何謂三六一十八界所謂六根六塵六識如眼耳鼻舌身意謂之六根色聲香味觸法謂之六塵既有六根六塵中間發起六識所謂眼識耳識鼻識舌識身識意識也眼與色對便有青黃赤白長短男女等相而起好惡心光不能透脫耳與聲對便有宮商清濁音韻言辭而起好惡心光不能透脫鼻與香對便有薰蕕穢馥腥羶等而起好惡心光不能透脫舌能嘗味便有甘肥鮮

美酸鹹甜淡等而起好惡心光不能透脫身能覺觸便有軟緩細滑輕重等而起好惡心光不能透脫此五根所對謂之外塵惟意識分別思慮取捨謂之內塵所以內外相應起惑造業無暫停息如蠶作繭自縛自纏無有解脫之期諸行者若要了脫生死須是自家發起勇猛心參究勘破這一十八界本來空空蕩蕩無有一毫遮障處如今夜之月圓滿明徹若到這田地纔不徒入空門雖然更須知古人道心月孤圓光吞萬象光非照境境亦非存光境雙忘復是何物諸人又作麼生會不可虛度光陰百年易過歲不

久畱努力努力示衆舉灌谿叅末山尼了然禪師山問上座今日離何處谿云路口山云何不蓋却谿無語師代云當時老僧若作灌谿但云官塘大道谿時禮拜問如何是末山山云不露頂問如何是末山王山云非男女相谿乃喝云何不變去山云不是神不是鬼變箇甚麼師別云老僧若作末山亦與一喝道箇不是神不是鬼變箇甚麼令人不暢快谿無語作園頭三載師代云恁麼非男女相擊如此見得免復勞矣雖然如是可見古人腰包行脚爲此大事不着人我相一言透

不過甘自執務叅究今人能如是乎然且衲僧氣槩則不然男兒自有冲天志不向古人行處行

示衆師云古人道得到寶山須採寶莫教空去再來難諸人且道寶山在什麼處莫是南天台北五臺耶莫是東洛伽西峨眉耶乃至今住磬山是耶老僧敢道未是在諸人作麼生會良久云不見道乾坤之內宇宙之間中有一寶秘在形山諸人採寶也未休教空去虛度光陰一僧云是寶非但和尚獨有人人皆有師卽踏下一步云這是形山如何是寶僧云用得出便是師又踏下一步作聽勢云汝作麼生用僧亦

撰述

天理和良言卷四

九

退一步擬進語師便掌僧喝師抗聲云侍者將拄杖子來痛打一頓僧擬議師以袖躡面撲遂歸方丈示衆舉馬大師令智藏持書上徑山山接書開見圓相於中下一點國師聞舉云欽師猶被馬師惑雪竇云徑山被惑且置若將呈似國師別作箇甚麼伎倆免被惑去有老宿云當時坐却便休亦有道但與劃破若與麼只是不識羞敢謂天下老師各具金剛眼睛廣作神通變化還免得麼雪竇見處也要諸人共知只這馬師當時畫出早是自惑了也師云灼然宗師手段切須爲人解黏去縛拔楔抽釘你看當時

雪竇老人恁麼拈提公案作家宗師天然有在今時有等晚輩離離齷齷拈箇圓相出來示人未免傷鋒犯手不見雪竇道若與麼只是不識羞而今更不識羞在亂道圓相七佛之始旣爲七佛之始誰人畫出又道七佛各有言詮咄你還知釋迦老子當時對文殊師利云你道我四十九年曾說一字來否蓋爲你不達源頭動着便成窠臼山僧也是路見不平要諸人與古人相見纔識得他漏逗處不入他圈縵去也不然一犬吠虛千猿唯實諸人還知麼玉女已歸霄漢去獸郎猶坐火爐邊

撰述

方圓香山言多卷上

極庵居士設齋請示衆問答不錄師卓拄杖云於此會得不涉程途其或未然且聽山僧葛藤了也復云凡夫謂之有二乘謂之無菩薩當體卽空爾我衲僧家要行便行要止便止衆中有道得一句不涉多途者合受人天供養不見古人云供養百千諸佛不如供養一無心道人諸人且道無那箇心無是非心耶無善惡心耶無忻止而畎下心耶無一切心耶若恁麼會到磬山無吃棒分在今日雲陽賀居士設齋要老僧通箇消息一則與大眾結箇般若緣二則冀禧二子行金行玉老僧說到這裏又無法可說且看拄杖

杖子頭上端坐大悲觀世音說道應以居士身得度者卽現居士身而爲說法應以童男童女身得度者卽現童男童女身而爲說法且道說什麼法偈云雲陽賀氏世植福從來代代受天祿今日當齋供佛僧祈保二子如金玉大衆珍重

除夕小參師云自從拈得這烏藤踏遍清涼返故岑今住磬山十餘載未曾打着箇中人有麼有麼不見臨濟大師道我有時先照後用有時先用後照有時照用同時有時照用不同時師驀地一喝和聲打一拄杖云且道這是先照後用耶是先用後照耶是照

用同時耶是照用不同時耶衆無語師云且放過一
着大衆你道如何是箇中人莫是深山窮谷雲耕雨
種草衣木食者是麼莫是千里迢迢四海參尋撥草
瞻風者是麼莫是昭昭靈靈認着見聞覺知觸着動
着者是麼莫是靜悄悄地終日蒲團細念纔生卽便
遇捺者是麼莫是錦繡叢中柳巷花街披一片掛一
片以瓢乞食者是麼莫是寶華王座萬指圍繞嘴灑
灑地說長道短者是麼若恁麼搏量老僧拄杖子未
肯點頭在良久云年窮時盡且與你們商量古人道
欲識佛性義當觀時節因緣時節若至其理自彰若

喚作時節會則辜負老僧拄杖子若不喚作時節會
又埋沒諸人自己大衆且道如何是其理自彰底句
卓拄杖云一聲爆竹度殘年幾點梅花放春谷
元日示衆師云古人道今日新年頭昨日舊年尾識
得本來人無憂亦無喜且道既是本來人要識得作
麼諸人試道看衆無語師自代云眉橫鼻豎

示衆舉趙州行脚時到一鄉院經旬日臨去辭院主
主云何往州云臺山禮文殊去主云某甲有頌相送
頌云何處青山不道場遙須策杖禮清涼雲中縱有
金毛現正眼觀時非吉祥州乃問作麼生是正眼主

撰述

方正書院藏

無語師云可惜好箇頌子當時院主恰是畫龍底及至見了真龍現時舉手無措矣若是山僧作院主待老趙州道作麼生是正眼便云你還要第二杓惡水潑麼那覺道箇啼得血流無用處也是扶強不扶弱諸人試簡點看

禹門院清明掃塔示衆遠近歸來拜祖庭法門大事緊須惺嚴持戒律心無垢把本窮玄道易親休順妄緣趣物外寧安寂靜樂身貧但依遺訓能開悟他日傳燈亦贊名

四月八日師病起小參僧問當初四月八降生悉達

未審今日降生箇什麼人師以拄杖豎起僧云世尊說法寶塔從地湧出和尚說法以何爲證師卓拄杖一下僧云如何是全提正令師便喝僧云如何是獨振宗風師展兩足示之僧云不問第一第二第三玄如何是玄要與肯師以拄杖橫按呵呵大笑僧云古今四月八是同耶不同耶師云提起坐具看問諸佛不入法界衆生不出法界未審釋迦老子從何處降生師以拄杖點地云從這裏生僧云忽遇雲門大師來時如何師云且教站過一邊僧禮拜師云何不再問僧云畱與第二位師乃云病骨羸形氣力衰奈緣

諸子又歸來強扶竹杖行庭際指點虛空道眼開以拄杖指云這是虛空那裏是道眼卓拄杖云這是道眼那裏是虛空若人單明虛空不開道眼如人有體而無足若人單明道眼不悟虛空如人有足而無體且問大眾超出虛空道眼一句作麼生道所以道淨法界身本無出沒大悲願力示現受生驀舉拄杖云釋迦老子在山僧拄杖頭上一手指天一手指地道天上天下唯吾獨尊當時有箇跛足阿師道我若見一棒打殺料與狗子吃貴圖天下太平這裏簡點將來也是無佛處稱尊據磬山則不然將此身心奉塵

刹是則名爲報佛恩遂擲拄杖趣殿禮佛

休夏小參師云古風不墜全憑衲子扶持正眼圓明何勞知識煅煉山僧甲志隱跡巖房豈料諸仁者不遠千里而來共守寂寥同甘淡薄拋却拄杖脫落草鞋放下蒲團諸緣坐斷直須盡底掀翻廓徹本來面目不見當時馬大師問藥山云汝在這裏多時本分事作麼生山云皮膚脫落盡唯有一真實祖云子之見處可謂協于心體布于四肢何不將三條箋束取肚皮隨處住山去山云某甲何人敢言住山祖云未有常行而不住未有常住而不行欲益無所益欲爲

無所爲宜作舟航由是住山師云大衆你看古人到這田地猶不肯自就須知此事切不得草草若到得這田地不妨隨緣去住若不到這田地終是倚草附木有什麼用處更有一偈不學諸方料嘴禪奮然努力究心源頂門豁達通天眼方始迴流駕鐵船雖然如是這猶是功勳邊事且道不涉程途一句作麼生道卓拄杖云薰風自南來殿角生微涼

示衆舉僧問佛果和尚如何是主中賓果云閻黎問處帶纖塵如何是賓中主果云山僧不免自道取如何是主中主果云坐斷舌頭無去取如何是賓中賓

果云青山之外更愁人師云這僧旣問主中賓何故佛果答他道閻黎問處帶纖塵此豈不是賓中句也問賓中主何故答他道山僧不免自道取此豈不是主中句也此二轉語若透得過便會得主賓互換之機答在問處方做得我臨濟門下兒孫識得佛果老人作略不同諸家答處老僧也要大家知今日拈出設若有人問老僧如何是主中賓信手拈來不是塵如何是賓中主撥草瞻風爲誰爾如何是主中主茅堂獨坐無餘事如何是賓中賓走盡千山路不窮且道與古人是同是別

端午小參僧問時逢端午百毒皆藏未審磬山塗毒
鼓藏向什麼處師云還聞麼僧云爲甚麼猶有聞而
不歎者師便喝僧云還有賓主也無師以拄杖畫一
畫云這裏看僧云如何是賓中主師以柱杖點云下
是誰僧云如何是主中賓師卓拄杖一下僧云如何
是賓中賓師云脚下帶泥深僧云如何是主中主師
收拄杖橫按僧云如何是主賓互換之機師便打乃
云當陽顯露未免周遮覲面提持猶爲委曲適纔這
閻黎問四賓主老僧恁麼答他諸人還會得麼若也
會得恁麼也得不恁麼也得恁麼不恁麼總得若也

不會恁麼也得不恁麼也得恁麼不恁麼總不得
得子中還有向直截根源處道得一句者麼如無老
僧爲諸人按箇時節天行節令五月五他方已有龍
舟舞磬山深處本寂寥也要乘時搃毒鼓千妖百怪
盡潛藏放出林間一羣虎雖然未備爪牙兒已是氣
具吞牛勢萬仞崖頭撒手歸翻身踏破來時路還委
麼頂門開道眼肘後掛神符

示衆師云諸人旣爲臨濟門下兒孫當盡臨濟法道
若不盡伊法道他日不堪爲人師範法道者何祇如
四賓主今時人雖識四賓主句但不悟看字落處便

罷罷侗侗打發將去賓主模糊而已老僧又氣衰力弱不能一一與諸人剖悉時有僧便問如何是賓看主師云入門須辨取問如何是主看賓師云不待形言語問如何是主看主師云兩眼對兩眼問如何是賓看賓師云二俱是瞎漢師復云離却四賓主諸人道將一句來看良久云了復云老僧今日更與諸人頌出如何是賓看主踏破雲山千萬重歸來事事已從容竿頭獨坐垂絲者孰諳滄波泛莫窮如何是主看賓赤條條地顯家風不是無端霹靂空殺賊便能騎賊馬到頭輸却僧中龍如何是主看主以鏡照鏡喝一喝云珍重

示衆舉九峰禪師問僧近離甚處僧云閩中峰云遠涉不易僧云不難動步便到峰云有不動步者麼僧云有峰云爭得到此間僧無對峰以拄杖趣下師云此僧將成九仞之山難進一簣之土磬山若作此僧更踏上一步云願和尚萬福諸人還下得一轉語麼

撰述

卷之三

若下得這轉語許你明窓下到處安閒若下不得動步皆錯試道看復示頌云千里雲山不憚勞何妨覩面轉途遙殷勤報與當場者莫待臨機無下稍

示衆舉石門徹禪師因令初上座領衆來參徹問萬仞峰頭石牛吼穿雲渡水意如何初無對師云老僧若作初上座便云天曉清風拂輕袖夜來明月上高峰徹云山僧住持事大叅堂去師着語云諾也知此事不易復云可見此事相續也大難徹後令僧下語或云久嚮和尚或云訪道尋師明的旨覺了根源顯異機徹云當時初上座若下得這語不將他作叅學

人師云不將他作叅學人且道作甚麼人看若知得他落處磬山已作學人看如是還與古人同耶異耶試道看

示衆師云向上一路把住半關截斷衆流不通凡聖祇爲誘引初機不無曲垂方便諸人還知麼不見當時有僧問臨濟大師如何是真佛真法真道乞垂開示濟云佛者心清淨是法者心光明是道者處處無礙淨光是三卽一皆空而無實有如真正道人念念心不間斷自達磨大師從西土來只是覓箇不受惑底人後遇二祖一言便了始知從前虛用工夫山僧

撰述

卷之三

今日見處與佛祖不別若第一句中得堪與佛祖爲師若第二句中得堪與人天爲師若第三句中得自救不了有僧問如何是第一句濟云三要印開朱點窄未容擬議主賓分如何是第二句濟云妙解豈容無着問漚和爭負截流機如何是第三句濟云看取棚頭弄傀儡牽抽全藉裏頭人師云老僧今日不惜口業與諸人通箇消息僧問如何是第一句師云描也描不成畫也畫不就如何是第二句師云無風荷葉動決定有魚行如何是第三句師云雨打梨花峽蝶飛復示頌云第一句聲前坐斷閒家具千聖從茲

道眼開箇裏難容殺活智第二句言下分明須薦取人天一路未爲奇光爍乾坤孰不懼第三句回頭轉腦尤鈍滯風塵狼藉不知歸止啼黃葉空教費到這裏諸人還薦得麼若薦得更須知慈明老人云第一句薦得和泥合水第二句薦得無繩自縛第三句薦得四稜着地又作麼生會若會得許你與佛祖爲師若未會切須仔細莫學今時不識好惡錯下名言埋沒先聖珍重珍重

解夏小參師云秋風飄飄秋葉蕭蕭涼颼颼地客路迢迢一條榔栗杖散漫以逍遙只與麼去又是隨羣

撰述

又聞未言金剛院

三八

逐隊不與麼去切忌枯守寒巖正當恁麼時如何通
消息拈拄杖云結也從這裏結山河大地情與無情
一時結解也從這裏解森羅萬象人與非人一時解
不結不解一句又如何道卓拄杖云幾年獨立千峰
頂劃破飛雲不放高以拄杖一時趁散與

真清人靈惠持珠子真臂更財缺發願求人天淨土
識大乘帶風塵通慧不取穢五柳黃葉空餘貴賤高
人天一遭未報青火樂掉轉頭不聊賴三世願成佛
天隱和尚語錄卷四 終



80

1 2 3 4 5 6 7 8 9

90

1 2 3 4 5

6 7 8 9

100

1 2 3 4 5

6 7 8 9

1 2 3 4 5

6 7 8 9

1 2 3 4 5

6 7 8 9

モハ

